

# খবর বলছি

মানস দাশ

ডি, এম্, লাইব্রেরী  
৪২ নং কর্ণওয়ালিস, ট্রিট  
কলিকাতা—৬

প্রথম মুদ্রণ,—মাঘ ১৩৫৭,  
মূল্য—দুই টাকা .

B1733



ডি, এম, লাইব্রেরী ৪২, কর্ণওয়ালিস স্ট্রীট, কলিকাতা হইতে শ্রীগোপালদাস  
মহম্মদ কর্তৃক প্রকাশিত ও কালী-গঙ্গা প্রেস, ৪৬/১, বেচু চ্যাটার্জী  
স্ট্রীট, কলিকাতা হইতে কে, কে, ভট্টাচার্য্য কর্তৃক মুদ্রিত ।

# নাটোল্লিখিত ব্যক্তিগণ

## পুরুষ

প্রফেসর মিত্র	...	...	...
চন্দ্রমোহন	...	...	...
মধুসূদন	...	...	...
আ গঙ্গক	...	...	...
ভবতোষ	...	...	...
টিকিট কালেক্টর	...	...	...
অমিয়	...	...	...
বরেন	...	...	...
মোহন	...	...	...
মতিচাঁদ	...	...	...
কেলো	...	...	...
শিবে	..	...	...
জনতা	...	...	...
মহাদেব মোহান্ত	...	...	...
সর্দার	...	...	...
সঞ্জয়	...	...	...
গণেশ	...	...	...
মুরলী ডাক্তার	...	...	...



# খবর বলছি

## প্রথম অঙ্ক

### প্রথম দৃশ্য

শিয়ালদহের ষ্টেশনের একাংশ। পিছনে দেওয়াল—দেওয়ালে বিচিত্র বিজ্ঞাপনের নামাবলী। সুবিশাল ষ্টেশনের কর্নব্যস্ততা ও কলরোল এই থও স্থানটুকু হতেই অনুভূত হয়। এখানে ওখানে সতরঞ্চি, শীতল পাটী ও মাদুর বিছাইয়া বাস্তুহারারা দেশ ও স্বজন বিচ্ছিন্ন নরনারীর দল বাসা বাঁধিয়াছে। ইহাদের মধ্যে শিশু আছে, প্রৌঢ় আছে, বৃদ্ধ আছে, আছে যুবতী নারী, প্রৌঢ়া ও বৃদ্ধা।

দৃশ্যরম্ভে দেখা গেল, মঞ্চের স্বল্পপরিসর স্থানটুকুর মধ্যে চারিটি পরিবার বাসা বাঁধিয়াছে। দুইটি পরিবারের স্থানে কে দুই জন শুইয়া আছে। একটি পরিবার দুইটি বৃদ্ধ ও বৃদ্ধাকে লইয়া—অপরটি আমাদের নাটকের লক্ষ্য। প্রত্যেক পরিবারের মাথার কাছে টুক, বাস, স্টকেস, তোষক, বালিশ, হাঁড়ি, কলসী ইত্যাদি।

নেপথ্যে একটি ট্রেন আসিয়া থামিল, তাহারই শব্দ। সর্বদাই লোকজনের গোলমাল স্তনিত্তে পাওয়া যায় কিন্তু ট্রেন আসিলে বাড়ে। প্রধান নির্গমন পথ দিয়া যদিও ট্রেনের প্যাসেঞ্জারগুলি চলিয়া যায়। তবুও ইহাদের বিছানা সরাইয়া, এদিক ওদিক দিয়া চলিয়া যেন অনেকগুলি লোক।

দীপার খামী চন্দ্রমোহন বিছানার পাশে বসিয়া তামাক সাজিতেছে। এক ঘটি জল লইয়া দীপা প্রবেশ করিল। দীপা সুন্দরী, এমন সুন্দর তাহার দেহের গড়ন যে চট করিয়া

## ধবর বলছি

বাকালীর মধ্যে, এমন অপরূপ দেহ সৌষ্ঠব চোখে পড়ে না—দীপা আসিরা নিঃশব্দে ঘটিটা বিছানার পাশে রাখিল। চন্দ্রমোহন উহা হইতে জল লইয়া টিকার কালি মাথা হাত ধুইল। পরে একখানি টিকা ধরাইয়া ফুঁ দিতে লাগিল। দীপা বাক্স খুলিয়া ছোট আরসিখানা বাহির করিয়া সিঁতুরের টিপ পরিবার চেষ্টা করিতেছে। \* \* \*

আর্জ্ঞান সমিতি, সেবা সমিতি ও রিলিফ সোসাইটির কর্মীবৃন্দ ও লাউড্‌স্পীকার মাঝে মাঝে চীৎকার করিয়া যাত্রীগণকে এই নূতন স্থানের নিরাপত্তা সম্বন্ধে হসিয়ার করিয়া দিতেছেন। যাত্রীরা প্রথম প্রথম উৎকর্ষ হইয়া এই সব সাবধান বাণী শুনিত। কিন্তু এখন একেবারেই গা সহ্য হইয়া গিয়াছে। পিছনের দেওয়ালের দরজার উপর লিখা।

## “বাস্ত হারা রিলিফ সোসাইটি”

লাউড্‌স্পীকার। বাস্তহারাগণ! আপনারা আমাদের না-জানিয়ে বাইরে যাবেন না। নিতান্ত প্রয়োজন ছাড়া আপন বাসস্থান বা আত্মীয় স্বজনের কাছ থেকে দূরে যাবেন না—এদিক ওদিক বেড়াবেন না। অপরিচিত লোকের সাথে কথা কইবেন না। বা তাদের মিষ্টি কথায় ভুলবেন না।

[ আবার একখানি ট্রেন ছাড়িল। ঘণ্টা ও বাণী শোনা গেল। চন্দ্রমোহন তামাক টানিতে লাগিল। দীপা আরসি সামনে রাখিয়া চিরুণী দিয়া মাথার সামনের চুলগুলি সমান করিতেছে ]

লাউড্‌স্পীকার। বাস্তহারাগণ সাবধান আপনারা আপনার অসহায়তার সুযোগ নিয়ে দলে দলে স্টেশনের মধ্যে চোর জোচ্চোর লম্পট ও নারী হরণকারীরা ঢুকে পড়েছে। তারা আপনারা আশে পাশেই

ঘুরে বেড়াচ্ছে। সর্বদা সাবধানে থাকুন। আপন পরিবারের  
সুন্দর মেয়েদের প্রতি লক্ষ্য রাখুন।

চন্দ্র। ধরছে।

[ নিরুদ্বেগে তামাক টানিতে বসিল। দীপা আরসি  
খনাট্টাকের মধ্যে রাখিয়া স্বামীর দিকে চাহিয়া কহিল ]

দীপা। হ্যা গো! এরা বলছে কি?

চন্দ্র। কারা? ও এই চোঙ দিয়া? বোঝবার পার্শ্ব না? আরে  
এইটা হইল সহর কইলকাত্তা; হারা আমাগো ল্যাখান  
কথা তো কয় না। শোন না কইতে লাগ্ছে। রাস্তাঘাটে  
বাইর হ'য়ো না। পুলিশে লইয়া যাইবো।

দীপা। পুলিশে নিয়া যাবে কেন। আমরা ত চুরি ডাকাতি করি নাই।  
দেশে আর থাকা চলবে না। সবাই যেমন চলে আস্ছে  
আমরাও তেমনি আসছি এর মধ্যে পুলিশের কী আছে?

চন্দ্র। কি আছে না আছে পরে বুঝাখন লইয়া গেলে করবা কি?

দীপা। আমি? আসুক না পুলিশ; দেখো তখন।

চন্দ্র। দেখুম অনে।

[ একখানি ট্রেন আসিয়া লাগিল। আবার কিছু  
বাস্তহারা সেই গাড়ীতে এল। দু'একটা পরিবার এদের  
বিছানার পাশ দিবে চলে গেল। সেই দিকে ধানিকঙ্কণ  
চরে চন্দ্র মোহন বলল ]

চন্দ্র। ছাখছনি দীপা—আসতেই আছে—আসতেই আছে।

দীপা। আরও আসবে।

[ হঠাৎ হাত তুলিয়া দীপা যেন কাহাকে নমস্কার করিল ]

ধবর বলছি

চন্দ্র । এইটা কী ?

দীপা । না—আমি ভাবছিলাম কী জান ? তবু ত আমি তোমাকে  
নিয়া আসতে পেরেছি । যদি অন্য কিছু হ'ত তা হলে কি  
করতাম আমি ? কার কাছে যেতাম ?

চন্দ্র । সত্য কথা !

লাউডম্পীকার । বাস্তহারাগণ ! আপনারা এই গাড়ীতে মূতন ধারা  
এলেন শুনুন, আপনাদের মধ্যে যদি কারুর আত্মীয় স্বজন  
কল্কাভায় থাকেন, তবে আমাদের সাথে যোগাযোগ করুন ।  
একা কোথাও যাবেন না । কারুকে বিশ্বাস করবেন না ।  
নিজেরা এক যায়গায় থেকে ভাগ্যের সাথে যুদ্ধ করুন ।

[ একটি মানুষ উদভ্রান্তের মত ডাকতে ডাকতে  
চলে গেল ]

মানুষ । আরে পচা ! পচা ! পচারে ! পচা

( প্রস্থান )

দীপা । পচা বোধ হয় ছেলে ?

চন্দ্র । হইবো ! মাইয়াও হইতে পারে । পচা ! আরে আমরা  
হকলেই এখন পচা ( হাসিল ) আস্থ আছে কে ?

দীপা । তুমি একটু বস আমি দৌড়ে গিয়ে এক ঘটি জল নিয়ে  
আসি ।

চন্দ্র । না—না—তুমি ঘাইবা কই ? ঘটি আমারে দেও—আমি



আনতেছি। [ ঘটি লইয়া উঠিয়া দাঁড়াইল ] কইল কত্তার  
কথাই শুন্ছি এতকাল! লোকে কইছে শুইয়া গেছি। মনে  
মনে কত কথা উঠছে। মনই থাইক্যা গেছে। স্বপ্নেও  
ভাবি নাই যে, এইভাবে শিয়ালদহর ইষ্টিশনে কুকুর বিড়ালের  
মত বৌ লইয়া পইর্যা থাকতে লাগবো? পিছা মারি  
আমাগোর কপালে!.....আসতেছি।

[ চন্দ্রমোহন ঘটি নিয়ে বেরিয়ে গেল; দীপা  
বসে রইল। একটু পরে উঠে দাঁড়িয়ে মুখ  
বাড়িয়ে দেখলো স্বামী আসছে কিনা, আবার  
বসলো। একটা লোক এসে কাছে দাঁড়ালো।  
আড় চোখে দু একবার দীপাকে দেখে নিয়ে  
প্রশ্ন করল ]

আগন্তুক। কবে এসেছেন আপনারা?

দীপা। আজকেই, কেন?

আগন্তুক। এমনিই বলছি, পূর্ববঙ্গ থেকে আসেন নি বুঝি?

দীপা। হ্যাঁ!

আগন্তুক। কিন্তু আপনার কথা ত সেরকম নয়।

দীপা। না, আমার শশুর বাড়ী পূর্ববঙ্গে কিন্তু আমার বাপের বাড়ী  
গৌহাটী।

আগন্তুক। ও আপনি টাউনের মেয়ে।

লাউডস্পীকার। বাস্তবহারাগণ! অপরিচিত লোককে সর্বদাই  
সন্দেহের চোখে দেখবেন, তাদের সঙ্গে কথা বলবেন না।

## খবর বলছি

যদি কোন লোক যেচে আত্মীয়তা করতে আসেন, আমাদের  
খবর দিন।

[ দীপা দাঁড়াইল ]

আগন্তুক। খবর দিতে যাচ্ছেন নাকি ?

দীপা। কিসের খবর ?

আগন্তুক। এই আমি অপরিচিত লোক, আপনার সঙ্গে যেচে কথা  
কইছি।

দীপা। আমার স্বামী গেছেন জল আনতে দেখছি তিনি আসছেন  
কিনা।

আগন্তুক। একটু দেরী হবে। জলের কল এখান থেকে বেশ দূরে।

দীপা। ও!

আগন্তুক। এখানে কোন আত্মীয় স্বজন নেই আপনাদের ?

দীপা। আমি জানি না। ( বসে পড়ল )

আগন্তুক। এই দেখুন আপনি রাগ করছেন।

দীপা। আপনি বড় মজার লোক তো! বলছি রাগ করিনি। তবু  
বলছেন রাগ করেছি? আপনার সঙ্গে জানা নেই শোনা নেই  
রাগ করবো কেন? ( দাঁড়াল ) কিন্তু উনি এখনও এলেন  
না কেন?

আগন্তুক। বলেছি ত কলটা অনেক দূরে। তাছাড়া ভীড়ও খুব অতএব  
দেরী হবেই। যাই হোক, এর মধ্যে ছু একটা কাজের কথা  
সেয়ে নিই ( দীপা চাহিল ) আত্মীয়ের ব্যবস্থা করবো ?

দীপা । কি করে ?

আগন্তুক । সেটা আপনার পরে জানলেও চলবে । আপাততঃ অমুমতি  
পেলে চেষ্টা করতে পারি ।

দীপা । বেশ তো ! ওর সঙ্গে একটা কথা বলুন ।

[ দীপা দাঁড়াল দেখা গেল চন্দ্রমোহন একঘটি জল নিয়ে  
ক্রত এল ]

চন্দ্র । আইত্তা পড়ছি গো । ( বসে ) ছাখ্ হারে যে রাজধানী কয় সে  
মিছা নয় । আরে বাপুস !

দীপা । কী খাবে ?

চন্দ্র । তুমি কও, ছাতু আছে না ?

দীপা । আছে—

চন্দ্র । গুড়

দীপা । আছে, দেব ?

চন্দ্র । ছাও, মাখি ।

[ দীপা পুটলী খুলে ছাতু ও গুড় দিল চন্দ্র জল ঢেলে  
নিয়ে, ছাতু মাখলো । তারপর খেতে আরম্ভ করল ।  
কিছুপর তার খেয়াল হল দীপা খাচ্ছেনা । খাওয়া  
খামিয়ে দীপার দিকে চেয়ে বললো ]

চন্দ্র । তুমি খাবা না ?

দীপা । খাবো—তুমি আগে খেয়ে নাও ।

[ চন্দ্রমোহন খেতে লাগল ]

## খবর বলছি

দীপা। ভাল কথা এক ভদ্রলোক এসেছিল।

চন্দ্র। ক্যান্ ?

দীপা। তিনি বলছিলেন তিনি আমাদের জন্ম আশ্রয়ের ব্যবস্থা করে দিতে পারেন আর—

চন্দ্র। দালালী কত লাগবো ?

দীপা। কিসের দালালী ?

চন্দ্র। এই আশ্রয়ের ব্যবস্থার ?

[ দীপা হেসে উঠল ]

চন্দ্র। হাসো ক্যান্ ?

[ দীপা আরও জোরে হাসতে লাগলো ]

চন্দ্র। এটা কথা কইয়া রাখি দীপন্। যে যা কয় কউক। চোখ আছে দেইখ্যা যাইবা। কান আছে শুনবা, কিন্তু কথা কইবা না। বোঝালা ? আমাগো সময় খারাপ পড় ছে।

[ আর একটা ট্রেন এসে লাগল। একজন টিকিট কালেকটার চলে গেল—সঙ্গে একজন লোক—লোকটা গরীব !

টি: কা। আমি কি করব মশায় ? রেল কোম্পানী কি আমার বাবার ঘরের সম্পত্তি যে এমনি ছেড়ে দেব। গাড়ী চড়বার সখ আছে পয়সা না দিলে চলবে কেন ?

লোকটা। হজুর আপনি মা বাপ। আপনি ইচ্ছে করলেই ছেড়ে দিতে পারেন, পয়সা থাকলে দেই না হজুর !

## ধবর বলছি

টি: কা। পয়সা নেই তো হাজতে থাক। সরে সরে বস। যত সব হাড় হাবাতে লক্ষী ছাড়ার দল ইষ্টিশানটাকে একেবারে সরকারী বৈঠকখানা বানিয়ে তুললে। সরে বস না। কথা কানে যায় না? লবাব পুত্র—

[ দীপা ও চল্লমোহন ভয়ে ভয়ে সতরঞ্চি গুটিয়ে নিল  
টিকিট কালেক্টার ও লোকটি চলে গেল। নেপথ্যে  
একটি চীৎকার শোনা গেল ]

নে: নারীকর্ষ। আলো ও মুখী! মুখী লো তরে কী যমে নিছে? গেলি  
কই? মুখী!! বাবু! ও বাবু আমাগো মুখীরে দেখছেন?  
মুখী.লো!

[ দীপার পাশ দিয়ে একটি আধাবয়সী স্ত্রীলোক বেরিয়ে  
গেল.....ক্রমশ ক্রমনার্ত্ত ]

.....আলো মুখী তুই কই গেলি লো!

[ হঠাৎ একটি বছর অষ্টকের মেয়ে কঁদতে কঁদতে ঢুকে  
ওদিকে বেরিয়ে গেল ]

মেয়েটি। মা! ওমা! মাগো! আমার ক্ষুধা লাগছে! মা আমার  
ক্ষুধা লাগছে মা.....

[ প্রহান ]

খবর বলছি

দীপা। একি আরম্ভ হয়েছে বলতো ?

চন্দ্র। ( সুরে )

ভোজ বাজীর খেলারে ভাই

ভোজ বাজীর খেলা

পতিরী সব কাদতে বইছে

বৌরা দিছে মেলা

বলি ও চিকণ কালা !

বাঁশী তোমার থামাও থামাও

সর্ব্ব অঙ্গে জালা ।

পুরান পুরে মুকুন্দ দাসের যাত্রা দিছিলো—শোন নাই ?

গুণীদের লাখান আমাগো সর্ব্ব অঙ্গে জালা ধরছে ।

দীপা। খুব হয়েছে । জালা ধরলে বুঝি মাহুষ ঘর ছেড়ে ইষ্টিশানে এসে  
পড়ে থাকে ।

চন্দ্র। থাকে না ? তুমি কও কি দীপন ? এই যে শিয়ালদহ ইষ্টিশান  
এইটা কী—

দীপা। কী ?

চন্দ্র। এইটারে এখন শ্মশানের লাখান লাগছে না ? শিয়ালদহ মহা-  
শ্মশান । আর আমাগো মধুসূদন দাদার মায়েরে শ্মশান খনে  
বাড়ী লইয়া আসছিল । বুড়ি তারপর বাঁচছিল আরও দশ  
বছর । এই শিয়ালদহর খনে যারা বাঁচবো আর মরবো—তারা  
তো মরল । ( দূরে চেয়ে ) হেই মধুসূদন দাদা আসতে লাগছে  
না ? খা-ইছে ।

[ মধুসূদন চক্রবর্তী প্রবেশ করলেন । তিনি ধীরে ধীরে দীপার পাশ দিয়ে অগ্রসর হচ্ছিলেন—হঠাৎ চন্দ্রমোহন হাঁকলো ]

চন্দ্র । আরে ! দাদা কোইথনে !

মধু । আরে চন্দ্রমোহনও এইখানে আইস্কা ঠেকছ ? কেও কেও ধপর কেও । তোমার পরিবার আছে তো ?

চন্দ্র । থাকবো না তো যাইবো কোই ?

মধু । কি জানি ভাই কই যাইবো । বুঝি না কিছু । মেইয়া লোকেরে লইয়া নছান্না জীবনে এই প্রথম দেখলাম । বাল্য কালে পড়ছিলাম হারাধনের দশটি পোলার কথা বুঝছো ? মরতে মরতে শেষে সব কটাই গেল গিয়া । আমার গো দশাও হৈছে তাই বোঝছ ?

চন্দ্র । ক্যাশ্বায় ?

মধু । ক্যাশ্বায় ? বলদার মত কথা কইসনা চন্দ্রা , আমাগো প্রতি পরিবারের ম্যাইয়া লোক আছিল চাইরটা পাঁচটা কইরা । তার দুইটারে লইয়া গেল মোসলায়, একটারে খাইল শিয়ালদহ, বাকীটা মরল উপাসে !

চন্দ্র । এই দিন থাকবো না দাদা ।

মধু । আমরাও থাকুম না চন্দ্র । আমাগোও হইয়া আস্ছে । গরু ভেরা ছাগলের লাখান ছাশের খনে আস্তেছে—আবার এটু—গাড়ীর মধ্যে দুইশোটা লোকেরে ভইয়া কোথায় জানি রাইখ্যা আস্তেছে । আমরা গেছিরে চন্দ্র । আমাগো কেও

## খবর বলছি

নাট, ঘর গেছে, বাড়ী গেছে, পয়সা গেছে, মান গেছে—  
ইজ্জৎ গেছে। আছে যম শ্রাঘে, সেও না বিরূপ হয় চন্দ্র,  
আমার ম্যাইয়াটারে কাউলকার খনে পাইতেছি না।

দীপা। খেস্তিরে ?

মধু। হরে মা ! খেস্তিরে। পয়সা কড়ির মত ম্যাইয়া লোক লুট হয়।  
কোনখানে শোনছনি এমুন কথা ? রাবণ সীতা হরণ করেছিল  
বইল্যা, দুঃশাসন দ্রৌপদীর কেশাকর্ষণ করেছিল বইল্যা—দুই  
দুইটা রাজ বংশ ধ্বংস হইয়া গেছিল। আর আইজ।

চন্দ্র। আইজ কী ?

মধু। আইজ কলিকাল। দ্যাব্ তা রইছে চ্যাত্তা দিয়া ঘুমাইয়া,  
প্রতীকারটা কররে কে কও ? আচ্ছা যাইরে চন্দ্র। খেস্তির  
মায়েরে তো রাখন যায় না মোটে। কান্তেছে-কান্তেছে—  
খালি কান্তেছে ! খাইছ ?

চন্দ্র। হ ! মুড়ি আছিল।

মধু। (হেসে) মুড়ি খাইছ.....ভাল...ভাল... ..ভাল খাও মুড়ি খাও !  
ভাতের নামে হইয়া গ্যাছে গিয়া, খাও—মুড়ি খাও,—দুইশ  
বিঘা জমির মালিক ; শিয়ালদহ ইষ্টিশনে বইয়া মুড়ি খাও—

[ মধুদন চলে গেল। দীপার চোখে জল, চন্দ্র দেখে চেঁচিয়ে ]

চন্দ্র। কান্দ কেন ? কান্দ কেন ? বাহার কইরা কান্তে বইছেন। আরে  
রও। কান্দনের অগ্ন তক হইছে কী ?

[ বসে তামাক টানতে লাগল ]



## খবর বলছি

স্পীকার। [ বাস্তবহারী ! আপনারা সব নিজের নিজের জায়গায় স্থির হয়ে বসুন । আর একঘণ্টা পরেই আপনাদের খেতে দেওয়া হবে । এই রেশনের দিনে আপনাদের জন্ম যা সামান্য ব্যবস্থা করা হয়েছে আশা করি তাতেই আপনারা সন্তুষ্ট হবেন । যারা পরিবেশন করবেন অনর্থক তাদের গালাগালি করবেন না, বা তাদের জিনিষপত্র পাত্র ধরে টানাটানি করবেন না ]

[ হঠাৎ তামাক রেখে চন্দ্র উঠে দাঁড়াল দীপা সেই দিকে চাইতে চন্দ্র বলে উঠল ।

চন্দ্র । তুমি একটু একলা থাকতে পারবা না ?

দীপা । কেন ?

চন্দ্র । আমি একটু দেইখ্যা আসি গিয়া গ্রামের খন্ আর কে কে আসছে বোঝা না ? কয়েক ঘর তো আছিলো—আসনের কালে—তাগো খবরটা লইয়া আসি গিয়া ।

দীপা । যাও !

[ ভবতোষের প্রবেশ—গায়ে চুড়িদার পাঞ্জাবী—পারে নিউকোট—হাতে আংটি, মুখে সরু আধুনিক গৌক আছে । বয়স ৪০ হবে । সে এখান দিয়ে চলে যেতে যেতে চন্দ্রমোহনের দিকে চেয়ে থমকে দাঁড়াল । তারপর এক ছুপা এগিয়ে গেল—তারপর আবার ফিরে এল, এসে চন্দ্রর সামনে গিয়ে তাকে নমস্কার করে দাঁড়াল । চন্দ্র তার দিকে চেয়ে বলল ]

চন্দ্র । বলেন ?

ভব । মাপ করবেন আপনার চেহারায় সঙ্গে আমার একটা

## খবর বলছি

পরিচিত ভদ্রলোকের মিল আছে বলে দাড়িয়ে পড়েছি,  
মানে—

চন্দ্র । বোঝলাম কোথায় বাড়ী আছিল তার ?

ভব । পূর্ববঙ্গে ।—জীবনগঞ্জে

দীপা । শোন !

চন্দ্র । কী কও ?

দীপা । ওকে জিজ্ঞাসা করতো—উনিই কি সেবার পূজার সময় অনাথ  
ঠাকুরপোর সঙ্গে আমাদের বাড়ী গিয়েছিলেন ?

চন্দ্র । তোমার হইছে কি ?

ভব । কিছুই হয়নি । বৌদি ঠিকই ধবেছেন এতদিন পরে, আমিই  
গিয়েছিলাম অনাথের সঙ্গে । আমার নাম ভবতোষ রায় ।  
কেন আপনার মনে নেই সেবার পাঠার ঠ্যাং ছুটো ধরে ঠক  
ঠক করে কাঁপছিলাম ।

চন্দ্র । পূজার সময় আপনি অনাথের সাথে বেড়াইতে গেছিলেন । হ'হ  
মনে পড়ছে আরে আপনি কইখানে আইলেন ?

ভব । আমার বাড়ী যে কলকাতায় । যাচ্ছিলাম একটু নৈহাটী, পঞ্চানন  
বলে একটি বন্ধুর সঙ্গে দেখা করতে । আপনাকে দেখে মনে হল  
চেনা লোক । তাই সেবার আপনার ওখানে গিয়ে যে আদর  
যে সেবা যত্ন আর যে খাওয়া খেয়ে এসেছি । সারা জীবন তা  
মনে থাকবে । কিন্তু আপনারা এখানে এ ভাবে—

চন্দ্র । এ ভাবে আর ও ভাবে । সব ভাবেই অখন অভাবে ঠেইক্যা  
গেছে । যাউক, 'আপনে আছেন তো ভাল ?

ভব । ইয়া দাদা কোন রকমে কেটে যাচ্ছে—আপনাদের আশীর্বাদে, কিন্তু এসে যখন পড়েছি তখন তো এভাবে ষ্টেশনে পড়ে থাকা চলবে না !

চন্দ্র । কই যাইমু ?

ভব । কোথাও জায়গা না হয় ছোট ভাইয়ের কুঁড়ে আছে ।

চন্দ্র । হ' সে তো আছেই, আপনারা সৎ লোক—ভদ্রলোক—আপনারা আশ্রয় না দিলে যামু কই ? বেশ কথা কইছেন, উত্তম কথা কইছেন । কিন্তু আমি এটা কথা কই রাগ করবেন না কন ?

ভব । না—না—রাগ ক'রব কেন ? আপনি স্বচ্ছন্দে বলুন ।

চন্দ্র । আমি কই যে—আমারে এটা বাসা টাসা দেইখ্যা দেন । আমরা তো স্বামী আর স্ত্রী, এটা ঘর আর এটু রান্নানের স্থান হইলেই চইলা যাইবো । বোঝছেন ?

[ ভবতোর চেয়ে ছিল দীপার দিকে, যখন চন্দ্র মোহন কথা শেষ করলো—সে দিকে সে লক্ষই করে নাই, চন্দ্র আপন খেরালেই বিভোর ]

চন্দ্র । কী কন ?

ভব । এ্যা বাসার কথা বলছেন তো ? ইয়া—তা বাসা একটা ভাল বাসাই আছে ।

চন্দ্র । আছে ? কত ভাড়া ?

ভব । ভাড়া বেশী নয়, আমার বন্ধুর বাড়ী, টাকা কুড়ি মত পড়বে মাসে মাসে । বাসা খুব ভাল, কী বলে গিয়ে—তুখানা শোবার

## ধবর বলছি

ঘর—একখানা রান্না ঘর; বাথরুম সব সেপারেট—মানে-  
আলাদা।

দীপা। আলাদা হ'লেই ভাল হয়।

ভব। তাতো বটেই! বাড়ী খানা আমার হাতেই আছে  
অবিশি আমাকে বায়নার টাকাও দিতে চেয়েছে। আমি  
নেইনি।

স্পীকার। শঙ্কর মিত্র আপনি কোথায় আছেন? যদি ইতিমধ্যে  
ষ্টেশনে এসে থাকেন তবে শুনুন—আপনার বড় মেয়ে সুসমা আর  
স্ত্রী আমাদের জিন্মায় রয়েছেন। আপনি আমাদের সঙ্গে দেখা  
করুন আপনার স্ত্রীর খুব অসুখ। শঙ্কর মিত্র হরিবিলসপুর  
বরিশাল—

[ উত্তরে এই সংবাদে কেমন বেন একটু খতমত খেয়ে  
গেল ভবতোষ আগে কথা বললে—]

ভব। যাবেন বাড়ীটা দেখতে?

চন্দ্র। অখন? অখন তকু তো খাওয়াই হয় নাই।

দীপা। কতদূরে—বাড়ী?

ভব। বাড়ীটা কাছেই এখান থেকে মিনিট পাঁচেকের রাস্তা আসুন না।  
চট করে বাড়ীটা দেখিয়ে নিয়ে আসি।

[ অমিয় নামে একটি বালকের প্রবেশ।

অমিয়। ভবতোষনা, নৈহাটী গেলে না?

ভব। এই যে অমিয়! না—এ গাড়ীতে নৈহাটী যাওয়া হ'ল না।

আমার এই পরিচিত ভদ্রলোকটি পাকিস্তান থেকে এসে বিপদে পড়েছেন। ওঁকে স্কিয়া স্ট্রিটের বাড়ীটা দেখিয়ে নিয়ে আসি।  
তুই যাবি সঙ্গে ?

অমিয়। যেতে পারি—

ভব। চলুন দাদা অমিয়কে পেয়ে ভালই হয়েছে ও বাড়ীটা চেনে :

চন্দ্র। (দীপাকে) তুমি কি কও ? যামু ?

দীপা। আমি কি বলব ? এখানে পড়ে থেকে যে কষ্ট হচ্ছে—তাতো দেখতেই পাচ্ছ। যদি একটা বাড়ীটাডী পাওয়া যায়—তাহলে তো বেশ ভালই হয়।

চন্দ্র। তা হইলে আসি গিয়া ? কী কও ?

ভব। আরে দাদা যেতে আসতে আধঘণ্টা লাগবে না।

চন্দ্র। হ' বুঝছি। চলেন।

[ কিছুটা গিন্না আবার ফিরে দীপাকে বলল ]

চন্দ্র। তুমি কোনখানে ঘাইবা না। যদি সেই রকম বোঝ তবে চিক্কাইর দিবা বোঝালা ?

দীপা। (ঘাড় নেড়ে) তুমি কিন্তু বেশী দেবী ক'র না জেন ?

[ ইঙ্গিতে হাত নেড়ে চন্দ্রমোহন, ভবতোষ অমিয় বেরিয়ে গেল—দীপা কিছু সময় দাঁড়িয়ে থাকার পর ভাবান্বিত ভাবে ট্রাকের ওপর বসে পড়ল। সামনে দিগে সেই স্ত্রীলোকটি কান্ডতে কান্ডতে চলে গেল ]

## খবর বলছি

মেয়েটি । আলো মুখী ! মুখী—লো । আলো চক্ষের-জল ফেলতে  
ফেলতে আমি যে গেলাম রে মু——খী !

[ চলে গেল । তাকে যতক্ষণ দেখা গেল—  
ততক্ষণ দীপা সেই দিকে চেয়ে রইল । দূরে  
সেই মুখী—মুখী ডাক শোনা গেল । দীপাকে  
দেখে মনে হয় সে ভয় পেয়েছে হঠাৎ মধুসূদন  
প্রবেশ করল ]

মধু । এক কাম কর চন্দ্রমোহন, চন্দ্র নাই ?

দীপা । [ মাথার কাপড় একটু টেনে ] না একটু আগে বাড়ী দেখতে  
গেছে !

মধু । কী দেখতে গেছে ?

দীপা । বাড়ী !

মধু । কই বাড়ী ।

দীপা । একটু আগে একটা চেনা লোক—আসছিল সে—কইল তার  
হাতে বাড়ী আছে নাকি ?

মধু । ওম্নি ফাল দিয়া বাড়ী দেখতে গেছে । কে লোক আসছিল ?  
কেমন চিনা ?

দীপা । দুই বছর আগে অনাথের সাথে পূজার সময় আমাগো বাড়ী  
গেছিল ।

মধু । এই চিনা ?

দীপা । হ' ।

মধু । কোথায় গেছে বাড়ী দেখতে ?

দীপা। কাছেই তো কইল।

মধু! কাছে? কেমন কাছে কইলকাত্তার সহর হকলই তো কাছে শিয়ালদহ খনে বেলিয়া ঘাটাও কাছে, চ্যাতলাও কাছে মোসলা পাড়া, রাজা বাজার ও কাছে। হিন্দুগো পাড়া বাগবাজারও কাছে। কোন কাছে? গেল কেন? ক্যান্ গেল? তোমাগো মত মুর্থ আমি আর দেখি নাই। মরো গিয়া, বাড়ী দেখতে গেছে। ক্যান্? যেখানে আছ এড়া বাড়ী না? রাজ পুত্র। ঘর না হইলে আর চলতেছে না।

[ হন্ হন্ করে বেরিয়ে গেল। দীপা দাঁড়িয়ে রইল একটা আধুনিকা মেয়ে সেখান দিয়ে যেতে যেতে ধম্কে দাঁড়াল, দীপাকে দেখে নিল, তারপরে কাছে এসে বললে। ]

তরুণী। স্বামী কোথায় ভাই?

দীপা। কেন?

তরুণী। না, দেখছি কিনা দাঁড়িয়ে রয়েছে তাই।

দীপা। উনি একটা বাড়ী দেখতে গেছেন।

তরুণী। ও! এখান থেকে উঠে যাবে বুঝি?

দীপা। হ্যাঁ।

তরুণী। ভাল খুব ভাল, এ নরক কুণ্ড থেকে যত শীগগীর উদ্ধারওয়া যায় ততই ভাল—নইলে এখানে মানুষ থাকতে পারে না। আমি দুর্দশা দেখি আর আমার চোখ ফেটে জল আসে। মনে মনে বলি ভগবান এরা এমন কী অপরাধ করেছিল যার

## ধবর বলাছি

জগু এই শান্তি, এর কী শেষ নেই? তোমার নাম কী

ভাই?

দীপা। দীপা!

তরুণী। বা: আর আমার নাম হ'ল শিপ্রা। চমৎকার মিল আছে

ছজন্য নামে না ভাই? এক কাজ করবে?

দীপা। কী?

শিপ্রা। সেই পাতাবে আমার সঙ্গে?

দীপা। একি সেই পাতানোর জায়গা? এই রকম পথের ধারে বসে  
নাকি কেউ সেই পাতায়।

শিপ্রা। গঙ্গার ঘাটে যদি সেই পাতাতে বাধা না থাকে—তবে ষ্টেশনে  
কেন সেই পাতান যাবে না? আমরা আজ থেকে সেই আজ  
থেকে তুমি আমার শুভদৃষ্টির সেই।

দীপা। শুভদৃষ্টি [ হেসে ] আপনি ভারি মজার লোক তো; বহুন!

শিপ্রা। না ভাই বসবো না। আমার কাজ হল ছুনিয়া ছাড়া—দেবী  
হলে কথা শুন্তে হবে।

[ বসলো ]

দীপা। কাজ! চাকরী করেন নাকি আপনি?

শিপ্রা। কাজ মানে—সিনেমা করি! এই যে বায়স্কোপ দেখ তাত্তে  
আমি অভিনয় করি।

দীপা। বায়স্কোপ! ও! পাট করেন বুঝি?

শিপ্রা। তুমি বায়স্কোপে নামবে সেই?



দীপা। আমি? [হেসে] না!

শিপ্রা। কেন? স্বামী বকবেন?

দীপা। না, তা নয় বকবেন কেন? স্বামী বুঝি স্ত্রীকে খালি বকে? তা  
নয়, তবে তাঁকে না জানিয়ে আমি কিছু করতে পারব না।

তা ছাড়া উনি মতও দেবেন না—

শিপ্রা। তোমার ছেলেপুলে কী সই?

দীপা। বলে নিজের নিয়েই সামলাতে পারছি না—তার উপর  
আবার ছেলেপুলে থাকলে গিয়েছিলাম আর কি! আপনি  
কাজে যাবেন না!

শিপ্রা। না, আজ আর যাব না। নতুন সইয়ের অনারে আজ  
ছুটি।

দীপা। ভাল।

[ ভবতোষের প্রবেশ ]

ভব। বৌদি, শীগ্‌গীর শীগ্‌গীর বলুন কী কী বাধতে হবে।

দীপা। কী হয়েছে কী?

ভব। চন্দ্রদা অমিয়কে নিয়ে ওই বাড়ীতে অপেক্ষা করছেন উনি আর  
শিয়ালদহ আসবেন না। আপনাকে বললেন নিয়ে যেতে।

ভব। উঠুন উঠুন আর দেরী করবেন না আপনাকে পৌঁছে দিয়ে তবে  
আমি কাজে যাব।

দীপা। উনি কোথায়?

ভব। বললাম তো উনি নতুন বাড়ীতে রয়েছেন। বাড়ী দেখে

## ধবর বলছি

এমন পছন্দ হয়েছে যে তক্ষুনি কুড়িটাকা Advance করে  
দিলেন !

দীপা । কি করে দিলেন টাকা তো আমার কাছে ওর কাছে তো একটা  
পয়সাও নেই ।

ভব । সে তো জানি । টাকা দিলেন মানে কি নিজের গ্যাট থেকে  
দেবেন ? বাড়ীওয়াল। এসে সামনে দাঁড়াতেই উনি বললেন  
টাকা Advance করতে । আমার কাছে ছিল দিয়ে দিলাম ।  
সে আমিই দিই আর সেই দিক দেওয়া নিয়ে হল কথা ।  
আপনি আর দেবী করবেন না বৌদি ।

শিপ্রা । কোথায় যাবার কথা হচ্ছে ভাই ?

দীপা । উনি গেছেন একটা বাড়ী দেখতে । শুনছি নাকি বাড়ী খুব  
পছন্দ হয়েছে বলে আমাকে নিতে পাঠিয়েছেন ।

শিপ্রা । আপনি তার কাছ থেকে কোন চিঠি এনেছেন ?

ভব । আজে না এমন হবে জানলে ষ্ট্যাম্পের উপর সই করিয়ে আনতুম  
দেখুন—নষ্ট করবার মত সময় আমার নেই ।

—আপনি যাবেন তো চলুন ।

শিপ্রা । আপনি যে ওর স্বামীর কাছে থেকেই এসেছেন তার  
প্রমাণ কী ?

ভব । কী প্রমাণে ওর স্বামী আমার সঙ্গে বাড়ী দেখতে গেলেন ?

শিপ্রা । তোমার যা ভাল মনে হয় তাই কর ভাই আমি কি ছু  
জানি নে ।

[ সরে দাঁড়াল ]

দীপা। দেখুন আপনি এক কাজ করুন, আপনি তাঁকে ডেকে নিয়ে আসুন।

ভব। সারাটা দিন ধরে ওই করি আর কি? আমার তো আর খেয়ে দেয়ে কাজ নেই পরোপকার না গুটির পিণ্ডি তা হলে আপনি বাবেন না?

দীপা। আপনি গিয়ে ঠুকে—

ভব। না আমি পারব না। আমি এখান থেকে নৈহাটি চললাম।

দীপা। বারে। আপনি নৈহাটি গেলে উনি কার সঙ্গে ফিরে আসবেন?

ভব। সে আমি জানি না।

দীপা। বারে! আপনি না গেলে—

ভব। না আমি আপনাদের মাইনে করা চাকর নই যে হুকুম মত একবার স্কুিয়া ষ্ট্রিট আর শিয়ালদহ স্টেশন করব। ষাচ্ছিলাম নৈহাটি দেখলাম পরিচিত লোক যদি আমার দ্বারা একটু উপকার হয় তাই—না যান *There ends the matter.*

দীপা। [ শিপ্রাকে ] কি করি ভাই, আমার যে ভয় করছে তুমি একটু সঙ্গে চলনা সই!

ভব। উনি বুঝি আমার চাইতেও বেশী পরিচিত?

দীপা। তা না হলেও উনি মেয়েছেলে। ঠুকে আমার বেশী বিশ্বাস, চল না সই।

শিপ্রা। আমার তো এখন যাবার উপায় নেই সই, আগেই বলেছি চাকরী না করলেও আমি বেশী চাকর। এখানে অপেক্ষা করতে

ধবর বলছি

হবে এখুনি হয়তো ডিরেক্টর এসে পড়তে পারে। সেখান থেকে out door এ যেতে হবে। তবে এক কাজ করতে পারি।

দীপা। কী?

শিপ্রা। আমার এক চেনা ভদ্রলোক কে তোমার সঙ্গে দিতে পারি। তিনি সঙ্গে যাবেন। তোমার কাজ সারা হয়ে গেলে তিনি নিজের কাজে চলে যাবেন। কেমন?

দীপা। বেশ!

শিপ্রা। ভয় নেই; আমার মত তুমি তাকে বিশ্বাস করতে পার।

দীপা। বেশ!

শিপ্রা। আমি তা' হলে তাকে ডেকে নিরে আসি?

তিনি এই ষ্টেশনেই কাজ করেন, যাবো আর আসবো!

[ শিপ্রা পা বাড়াবার সঙ্গে সঙ্গেই ভবতোর চীৎকার করে উঠল ]

ভব। চালাকী করবার আর জায়গা পাননি আমাকে বিশ্বাস নেই আর ওই উটকো মেয়ে মানুষের আনা লোককে বিশ্বাস আছে? না?

[ শিপ্রা হেসে চলে গেল ]

—চলুন আপনাকে আমার সঙ্গে যেতে হবে।

দীপা। না, আমি আপনার সঙ্গে যাব না।

ভব । যাবো না মানে ? যেতে হবে । আমি আপনাকে জোর করে নিয়ে যাব । আপনার স্বামী আমার সঙ্গে গেছেন—জানেন ?

[ একজন দুইজন লোক জড় হইতে লাগিল ]

তিনি সেখানে আপনার জন্ত অপেক্ষা করছেন আর এখানে আপনি বলছেন যাবো না ! তার মানে কী ? কী আপনার মতলব তা কি আমি বুঝতে পারিনি মনে করেছেন ? ঘাস খাই ?

[ দীপা কাঁদিতে লাগিল ]

—চলুন এই সব জিনিষ পত্র কি আপনাদের ?

দীপা । না ! আমি আপনার সঙ্গে যাবো না !

ভব । নিশ্চয় যাবেন ! কী কী জিনিষ নিতে হবে বলুন । বলুন বলুন দাঁড়াবার সময় নেই—অল্প কাজে যেতে হবে ।

১ম দর্শক । উনি যাবে না বলছেন আপনি জোর করে নিয়ে যাবেন ?

ভব । দরকার হলে তাই নিতে হবে—পাগলামীর একটা স্থান আছে মশায় ঔর স্বামী আমার সঙ্গে বাড়ী দেখতে গিয়েছিলেন । বাড়ী পছন্দ হওয়াতে তিনি বাড়ী ওয়ালাকে টাকা advance করে দিয়ে আমায় বললেন আপনি গিয়ে আমার স্ত্রীকে নিয়ে আসুন আমি শুভক্ষণ ঘর দোরগুলো পরিষ্কার করিয়ে ফেলি—নিজের কাজ ফেলে এলুম ছুটে ব্যস এখন উনি বলছেন যাবো না । কেমন লাগে মশায় ?

## ধবর বলছি

স্পীকার । শ্রীমতী কাজলরাণী চক্রবর্তী আপনি যদি ষ্টেশনে ফিরে এসে থাকেন তবু আমাদের কাছে আসুন । আপনার স্বামী আপনাকে পাগলের মত খোঁজাখুঁজি করছেন । শ্রীমতী কাজলরাণী চক্রবর্তী গোপালগঞ্জ ফরিদপুর ।

২য় দর্শক । আপনি এঁদের পরিচিত ?

ভব । কেন বকাচ্ছেন মশায় ? পরিচিত না হ'লে কি কেউ নিজের স্ত্রীকে আনতে পাঠায় ? পরিচিত আজ নয় । দু বছর আগের ।

৩য় দর্শক । তাহলে যান গুর সঙ্গে ।

দীপা । না—আমি যাবো না ।

১ম দর্শক । তা হলে আপনি ফিরে গিয়ে গুর স্বামীকেই না হয় ডেকে নিয়ে আসুন ।

ভব । ই্যা আমার তো আর কাজ নেই ।

[ শিপ্রা একটি লোককে নিয়া প্রবেশ করল । লোকটির চখে সুরমা গলায় হার—হাতে সোনার কবচ—পায়ে পামসু, মাথায় তৈল চিকন চুলের ঢেউ খেলান টেরী । চোখের চাউনীতেই বোঝা যায়—সে একটি লম্পট ]

শিপ্রা । এই যে সেই ইনিই আমার সেই পরিচিত ভদ্রলোক । সচ্ছন্দে তুমি এঁর সঙ্গে যেতে পার । তোমার স্বামী—যেখানে থাকুন ইনি তোমাকে নিরাপদ জায়গায় নিয়ে যাবেন । এর নাম মহাদেব মহাস্ত !

মহাদেব । না না সে সব ভয় কিছু নেই । হামি ঠিক জায়গায় নিয়ে যাব । কিন্তুক তুমি এত ভেজাল জুটাতে পার মাইরী । এই

ধবর বলছি

শালার দাঙ্গা হওয়া ইস্তক—বোধ হয় বিশ পঁচিশঠো ইত্তিরী  
লোককে ।

শিপ্রা । আপনার তো বেশী কথা কইবার দরকার নেই । আপনাকে যা  
বলা হয়েছে, তাই করুন ।

মহাদেব । ই্যা ই্যা সে তো করবোই !

[ স্টকেশ হাতে তুলিয়া ]

নাও চলো । কত লবর মশায় ? সুকিয়া ইষ্টিট না কি ?

ভব । তাহলে কী এঁর সঙ্গে যাওয়াই স্থির করলেন ?

[ দীপা এর ওর মুখের পানে চাইছে তার দুচোখ দিয়ে  
জল গড়িয়ে পড়ছে ]

শিপ্রা । আমার টাকারটা কি এখন শোধ দেবে মহাস্ত ?

মহাদেব । ই্যা ই্যা সব শোধ দিবে । কুচ্ছু বাকী রাখব না ।

[ মণি ব্যাগ থেকে টাকা বার করে ]

শিপ্রা । আজ দুশো নাও ।

মহাদেব । উহঁ । দফে দফে নাও সিগিয়া দেবী । তোমার ভী চলবে  
হামার ভী চলবে ।

[ উচ্চ হাসি ]

১ম দর্শক । From the Frying pan into the fire, poor soul.

[ এহান ]

খবর বলছি

শিপ্রা। যাও সহ [ ভবকে ] নম্বরটা বলে দিন এঁদের।

ভব। তাহ'লে এই ব্যবস্থাই পাকা হ'ল ?

শিপ্রা। Naturally ! আপনাকে যখন বিশ্বাস করতে পারছি না তখন  
এ অবস্থায় কী করে আপনার সঙ্গে যাওয়া চলে বলুন ?

ভব। যাকে আনলেন—তার সঙ্গে যাওয়া চলে ?

শিপ্রা। নিশ্চয় ! উনি আমার পরিচিত।

মহাদেব। বেশী কথা বলবেন না মশায়। একটি থাপড়ে ঝাঁ ঝাঁ  
ডাকিয়ে দেব। বলুন লম্বা বলুন।

ভব। বারো বাই বারো স্কিকিয়া ট্রাট।

মহাদেব। ব্যস ! খতম ! চলো ! এই কোলী মুটিয়া দো আদমী ইখার  
আও ! চলো হিয়া যিভা মোট হার সব উঠা লেউ।

[ মুটে মোট তুলে নিল ]

ভব ! যান তাহলে ?

মহা। লাও চলো।

শিপ্রা। যাও সহ !

১ম দর্শক। চলে যান চোখ বুঁজে ! যা হবার তাতো হবেই।

দীপা। না—আমি যাব না।

মহাদেব। সে কি ?

দীপা। না—আমি যাবো না। আমার স্বামী না এলে আমি কারো  
সঙ্গে কোথাও যাব না। তোমরা তাকে কোথায় লুকিয়ে  
রেখেছ তোমরা তাকে মেয়ে ফেলেছ। আমি যাবো না—আমি  
যাব না—আমি যাব না।



শিপ্রা । হাঁ করে দেখছ কী মহাস্ত ? ওর মাথা খারাপ হয়ে গেছে  
ওকে জোর করে নিয়ে যাও !

মহাদেব । বত সব ঝামেলা ! এই কোলী মূটিয়া ইধার আও ইস্কো!  
পাকড়াও ।

দীপা । না—না আমি যাবো না—আমি যাব না ।

[ বলতে বলতে দীপা ছুটে বেরিয়ে যেতে গিয়ে একটি  
ভদ্র লোকের সাথে ধাক্কা লেগে পড়ে গেল । এবং তাঁর  
পা ছুটি ধরে ]

দীপা । আপনি আমাকে বাঁচান আমাকে রক্ষা করুন । ওরা সবাই  
ষড়যন্ত্র করেছে, আমাকে জোর করে নিয়ে যেতে চাইছে ।  
আমার স্বামীকে ওরা কোথায় নিয়ে গিয়ে লুকিয়ে রেখেছে-  
না হয় মেরে ফেলেছে । এখন আমাকে নিয়ে যেতে চাইছে ।  
ওদের কথাবার্তা আমার ভাল লাগছে না । আপনি আমায়  
রক্ষা করুন আপনি আমায় বাঁচান ।

নবাগত । আচ্ছা আপনি উঠুন আমি দেখছি উঠুন ভয় নেই আমার  
কাছ থেকে কেউ আপনাকে নিয়ে যেতে পারবে না উঠে আমার  
সঙ্গে আসুন ।

[ ভেঙা মুখে দীপা দাঁড়াল—ভদ্রলোক তার সঙ্গে  
জনতার মধ্যে গেল এবং নেপথ্যে সেই মেয়ে হারা যারেক  
ডাক শোনা গেল ]

নেপথ্যে । আলো মুখী তুই—কই গেলি নো !—মুখী—! মুখী—!  
মু—খী—ই ।

খবর বলছি

নবাগত । কই !—কে চাইছেন একে নিয়ে যেতে ?

[ দেখা গেল শবতোর ও শিখা নেই । মহাদেব  
সুটকেশ হাতে এখনো—দাঁড়িয়ে ]

মহাদেব । আমি নিয়ে যাব বলে দাঁড়িয়ে আছি ।

নবাগত । কোথায় নিয়ে যাবেন একে ?

মহা । বারো বাই বারো সুকিয়া ঝিটিট ।

নবাগত । [ দীপার কে ] চেনেন একে ?

[ দীপা মাথা নাড়ল ]

মহাদেব কে ]—কে আপনাকে বলেছে একে নিয়ে যাবার  
জন্ম ?

মহাদেব । সিগিয়া দেবী !

নবাগত । সিগিয়া দেবী ! চেনেন নাকি ?

দীপা । না একটু আগে তার সঙ্গে আলাপ হয়েছে ।

নবাগত । কোথায় তিনি ?

মহাদেব । সে হামার কাছে একশো টাকা নিয়ে চলিয়ে গিয়েছে ।

নবাগত । দাগানী ?

মহাদেব । না—সে—

নবাগত । একে আমি নিয়ে যাচ্ছি । আপনি যদি আমার সঙ্গে যেতে  
চান তবে থানা অবধি যেতে পারেন আপনাকে সেখানে জিহ্বা  
করে দেব আর—

মহাদেব । আপনি লিয়ে যাবেন ? লিয়ে যান তো কেমন দেখি !—

নবাগত । আমার এই দেহটা দেখে কি মনে হয় আপনার ? ঝুঁকো  
দেওয়া গরুর দুধে তৈরী, না অণু কিছু ! যেখানটা ধরব সেখানটা  
ভেঙ্গে দেব । শয়তান কোথাকার !

নবাগত । আসুন আমার সঙ্গে ! এই মুটিয়া বিলকুল উঠা লেউ !

দীপা । আমার স্বামী ? তাঁর খোঁজ করবেন না ?

নবা । মনে হচ্ছে এরা তাকে নিয়ে ভুল পথে ঘোরাচ্ছে । ইতিমধ্যে  
আপনাকে সরিয়ে নিয়ে যাবার কথা ছিল যা হক ভয়ের কিছু  
নেই তাঁকে পাওয়া যাবে আসুন

[ দীপা কোন প্রতিবাদ করল না নীরবে বেরিয়ে গেল,  
সেই ভদ্রলোকের সঙ্গে । লোকজন বা ছিল সব একে  
একে চলে গেল । ঠিক সেই সময় আর একটি  
বাস্তহারী পরিবার দীপার পরিত্যক্ত শূন্যস্থানে সতরঞ্চি  
বিছিয়ে মোটঘাট নামাল । একটি অতি শীর্ণ বৃদ্ধকে  
কোলে করে একটি যুবক আসছিল সে বৃদ্ধকে নামিয়ে  
দিল....]

স্পীকার । বাস্তহারীগণ ! আপনারা নতুন যারা এই গাড়ীতে এলেন  
তাঁরা শুনুন । আপনাদের মধ্যে যদি কারও কোন আত্মীয়  
স্বজন কলকাতায় থাকেন তবে এক্ষুনি আমাদের সাথে  
যোগাযোগ করুন । একা কোথাও যাবেন না । কারকে  
বিশ্বাস করবেন না । নিজেরা সব কাছাকাছি থেকে  
ভাগ্যের সঙ্গে যুদ্ধ করুন ।

[ প্রথম অঙ্কের ববনিকা নেমে এল ]

## দ্বিতীয় অঙ্ক

### প্রথম দৃশ্য

[ স্থান :—দোতালার দেওয়াল বিহীন ছাদ। চারিটি থামের দ্বারা আবদ্ধ।  
একটি তরুণী বসে গান করছে। দুটি তিনটি বন্ধু ও বান্ধবী বসে গান  
শুনছে। গান শেষ হ'লে সকলে হাত তালি দিল। তিনটি বন্ধু ও  
একটি বান্ধবী—বন্ধু তিনটির নাম রমেন, মোহন ও মতিসিং  
বান্ধবীর নাম মীনা। গায়িকার নাম নমামি ]

নমামির গান শেষ হলে—

মোহন। গান শুনে যে মানুষ পাগল হয়—তার প্রমাণ তোমার গান।  
মীনা। আবার গান শুনে মানুষের খুন চাপে—এ গান তারও প্রমাণ  
হ'তে পারে।

নমামি। না—না—আমার গান কি অতটা খারাপ?

রমেন। অতটা খারাপ না হলেও Best of the worst lot বলা  
যেতে পারে।

নমামি। ও! আচ্ছা, আবার কোনোদিন বোলো গান গাইতে।

মোহন। তুমি বড্ড চায়ের টিপটে বড্ড তোল নমু! ঠাট্টা বোঝ না?

মতি। Any way, তোমাদের বাংলা গানের একটা Special charm  
আছে নাই—

মীনা। বেটা তোমাদের পাঞ্জাবী গানে নেই।

মতি। একেবারে নেই বললে মিথ্যে বলা হবে। আছে, তবে সে কথার মাধুর্যে নয়—স্বরের বৈচিত্রে। পাঞ্জাবী দেহাতী গান শুনলে মন নেচে ওঠে তার ছন্দে! যার বেশীর ভাগই আজকাল বোধে ফিল্মের আসরে ঢুকে পড়েছে।

মোহন। আচ্ছা, তুমি Screenএ নামো না কেন নমু?

নমামি। যেহেতু ভালবাসায় পড়া—আর ভালবাসার অভিনয় করা মুশ্কিল বলে। Really it's a difficult job. কী করে যে মেয়েগুলো করে ভেবে পাইনা।

মীনা। কেন? এমন কি শক্ত ব্যাপার?

নমামি। খুব শক্ত। ধরো একখানা ছবিতে আমি মেয়ে আর শ্রীযুক্ত অমুক চন্দ্র তমুক আমার father. দুজনে অভিনয় করছি—বেশ একটা love and affection এর mood তৈরী হয়েছে, হঠাৎ আর একখানি ছবিতে দেখলাম আমি প্রিয় আর উক্ত অমুক চন্দ্র তমুক হচ্ছে আমার lover একই দিনে এই ছটো বিপরীত ধর্মী mood create করা সহজ কথা?

মোহন। আমার মনে হয় অভিনয় করতে করতে mood বলে আর কোন বালাই থাকে না। যেমন থাকে না কড়া পড়া জায়গায় কোন অমুভূতি।

মতি সিং। Exactly so.

মীনা। আজকাল কিন্তু ছবিতে অনেক গুত্রঘরের মেয়ে এসে পড়েছেন।

## ধবর বলছি

রমেন । with due respect, কেবল ভদ্র কথাটার দ্বারা দর্শক আকর্ষণ করা যায় না ।

মোহন । জানি । তাহ'লেও তার একটা charm আছে ।

নমামি । সে charm তোমার চোখে থাকতে পারে কিন্তু আমার চোখে নেই ।

মীনা । থাকা সম্ভব নয়, ধরো পূর্ববঙ্গ থেকে যে সব refugee girls এখানে এসেছে, এরা কি সিনেমা অভিনয়কে বৃত্তি বলে মেনে নিতে পারবে ?

রমেন । বোধ হয় না । কেন না প্রধান বাধা হ'ল—তাদের ভাষা ।

মীনা । Absurt. দীপাদির ভাষা কোন খানটায় পূর্ব বঙ্গীয় ?

নমামি । Byjove! দীপা এখনো চা দিয়ে গেল না কেন ?

[ উঠে সিঁড়ির কাছে গিয়ে ডাকতে লাগল ]

নমামি । দীপা ! দীপা ! দীপা—এই যে ! এত দেরী হ'ল কেন ?

[ শাস্তপদে দীপা উঠে এল । তার হাতে একটি ট্রে, তার উপর পাঁচকাপ চা ও রুটি, প্লেটে দুটি করে সিঙাড়া একখানি করে বিস্কুট ও একটা করে ছোট সন্দেশ । সে এসে নীরবে ট্রে টেবিলের উপর রেখে কাপ ও প্লেটগুলি নামিয়ে দিতে লাগলো ]

নমামি । তুমি হচ্ছে যুক্তিমতী failure, মা চেষ্টা করছেন বাবা চেষ্টা করছেন আমরা • চেষ্টা করছি, যদি তুমি সভ্য-ভব্য হও,

একটু মানুষ হও,—কিন্তু নয় : সকলের সবচেঁটা ব্যর্থ করে দিয়ে তুমি যে জানোয়ার সেই জানোয়ারই থেকে গেলে !

মীনা। Ah don't you be rude. যাও দীপাদি, নীচে নিশ্চয় অনেক কাজ পড়ে রয়েছে। ( দীপা ঘাড় নাড়ল ) আচ্ছা, যাও তুমি।

মীনা। Brute.

নমামি। মানে ?

মীনা। মানে কিছুই নেই। এ কথা তুমি ওকে বলতে পারনা, কে বলতে পারে দেশে হয়ত তোমার চাইতে ওর status অনেক বড় ছিল।

নমামি। তাতে কী গেল এল, দশ বছর আগে খাওয়া ঘিয়ের গন্ধ হাতে লেগে থাকে না।

মীনা। তা থাকে না, কিন্তু ঘিয়ের মেজাজটা থেকে যায়। বনস্পতি দিয়ে তাকে সাস্তনা দেওয়া যায় না।

রমেন। এসব কি হচ্ছে ?

নমামি। না এ অনধিকার চর্চা। আমার maid servant সম্বন্ধে অন্য লোকের উপদেশ আমি শুনবো না।

মীনা। দীপাকে যে maid servant বলে সে at all sane কিনা সে বিষয়ে আমার সন্দেহ আছে।

নমামি। দীপা maid servant.

মীনা। না।

## ধবর বলছি

[ দৃশ্য ঘুরে গিয়ে সামনে এল, ছোট একখানি পরিচ্ছন্ন শয়ন কক্ষ । ছিমছাম মার্জিত রুটির পরিচায়ক । দেখা গেল প্রোফেসার বরেন মিত্র একখানি ইঞ্জিচেয়ারে শুয়ে একটি ইংরেজী বই পড়ছেন, আর ঘরের মধ্যে দৃপ্তা সিংহিনীর মত পায়চারী করে বেড়াচ্ছেন—মিসেস অরুন্ধতী মিত্র ]

[ দৃশ্য ঘুরে এসে স্থির হবার পূর্বেই পাশের কথামুখি অঙ্ককারের মধ্য থেকে মেয়েলী গলায় শোনা গেল ]

অরু । ( নারীকণ্ঠ ) তবু বলবে না । আমার নিজের চোখকে অবিশ্বাস করতে বলা তুমি ! আমি যা দেখেছি আমার মন যা বলেছে তাকে আমি অবিশ্বাস করতে পারি না ।

### [ AFTER FIXATION OF THE SCENE ]

কেন তুমি এ আপদ এনে ঘরে ঢোকালে ?

প্রোঃ মিত্র । ( বই বুকে রেখে ) খুব একটা ভাল গানের রেকর্ডের যদি কোন একটা জায়গায় cracked হ'য়ে যায় আর সে জায়গাটা যদি ক্রমাগত তোমার কানের কাছে বাজতে থাকে, কেমন লাগে অরু ?

মিসেস মিত্র । আমার বস্তুটা cracked হ'য়ে গেছে—এই কথা বলতে চাইছ তে ?

প্রোঃ মিত্র । যদি তাই বলি—অন্যায় বলবো ?

মিসেস । নিশ্চয় অন্যায় বলবে । বুদ্ধি তোমার চিরদিনই কম তার জন্ম



## ধবর বলছি

আমার দুঃখ নেই। কিন্তু তুমি জেনেশুনে ইচ্ছে ক'রে এরকম একটা জলজ্যান্ত আগুনকে পথ থেকে কুড়িয়ে আনলে কেন ?

প্রোঃ মিত্র। এইজন্য আনলুম অরু যে কোন হুমুমান যদি এই আগুনের টুকরোটিকে নিজের লেজের সঙ্গে বেঁধে নেয়—তাহলে অচিরাতঃ একটা অগ্নিকাণ্ড ঘটবে।

মিসেস্। তাতে তোমার কি ? তোমার ঘর তো পুড়তো না।

প্রোঃ মিত্র। তা পুড়তো না। কিন্তু আমার যুক্তি হচ্ছে অগ্নির ঘরইবা পুড়বে কেন ?

Myke। তুমি মিথ্যে কথা বলছো বলেন মিত্র। দীপাকে দেখা মাত্র তোমার মনে যে ঢেউ উঠেছে তার দোলায় কি তুমি ছলছোনা ? নারীর রূপ সেতো চিরন্তনী প্রকৃতির মতো। প্রতিদিন প্রতি মুহূর্তে সে তার রূপ রস গন্ধ বর্ণের ডালা সাজিয়ে নিয়ে প্রতীক্ষারতা—যৌবন নিকুঞ্জে অনন্ত পথিকের পদধ্বনির আশায়,—তাকে যদি তুমি আমন্ত্রণ ক'রে এনেই থাকো তোমার বাড়ীতে তাতে তো অন্ডায় কিছু করোনি বলেন মিত্র।

বরেন। মোটেই না !

অরু। কী মোটেই না !

বরেন। এঁ্যা ! না। আমি বলছিলাম যে তোমার কথাটাকে কিছুতেই মনের মধ্যে মানিয়ে নিতে পারছি না। তবে একটা কথা আমি ভাবছি জানো ? ভাবছি, তুই ছোট, তুই স্বপ্না, তুই

## ধবর বলছি

অম্পৃশ্য । এই কথা—বারম্বার স্মরণ করিয়ে দেবার ফলে ভারতবর্ষের আৰ্য্য সম্ভানগণ দেশ ছোড়া এক ক্ষুদ্র জাতির সৃষ্টি ক'রে ফেললেন ; আর তুমি—

অরু । আমি বারম্বার তোমাকে অণ্ডায় করেছো, অপরাধ করেছো, অসদাচরণ ক'রেছো, বলতে বলতে, তুমি সত্যিই একদিন তাই করে ফেলবে, এই কথা বলছো তো ?

বরেন । আহা ! ওটা কথার কথা । কিন্তু রাখালের গরুরপালে একদিন এই ভাবেই তো সত্যি বাঘ পড়েছিল অরু !

অরু । বেশ তো তাই করো ! তুমি অণ্ডায় কোরো অপরাধ কোরো আমি কিছু বলবো না !

**Myke** । কিন্তু সেদিন তুমি কোথায় দাঁড়াবে—অরুন্ধতী মিত্র । এই দস্ত, এই আভিজাত্য এই মাথা উচু ক'রে চলা সবই যে ধূলোয় মিশিয়ে যাবে জানি !—

[ এক মুহূর্তকাল অরুন্ধতী কি যেন ভাবলো । তার চোখে মুখে ফুটে উঠলো ভয়ের চিহ্ন । পরক্ষণেই সে ছুটে গিয়ে স্বামীর চেয়ারের হাতায় বসে প'ড়ে ডান হাত দিয়ে তার গলা জড়িয়ে ধরলো । কণ্ঠে মধু তেলে বললো ]

অরু । আচ্ছা সত্যিই তুমি পারো ? পারো তুমি আমার সঙ্গে এমন ব্যবহার করতে ! বলো, সত্যি ক'রে ব'লো ! পারো ?

বরেন । আমি ? বোধ হয়—

**Myke** । পারো ?

## ধবর বলাছি

বরেন । না পারি না । তুমি, তুমি পারো ?

অরু । আমি ? বোধ হয়—

Myke । পারো না !

অরু । ই্যা পারি !

[ ছুজনেই হেসে উঠলো ]

[ হঠাৎ সে সময় দীপা ঘরে ঢুকে পড়লো । সে স্বামী  
স্ত্রীর এই ঘন সন্নিকট অবস্থা দেখে একটু লজ্জিত হ'ল,  
কিন্তু তখন আর ফিরে যাবার কোন উপায় নেই ;  
কেননা তাকে ওরা দেখেছেন । অরুদ্বারা তৎক্ষণাৎ  
উঠে দাঁড়িয়ে তাঁর গলায় প্রশ্ন করলো ]

অরু । কী ? কী চাই ?

দীপা । উল্লে কি কয়লা দেব দিদি ?

অরু । Impertinent fool, ন্যাকামী করবার আর জায়গা পাওনি ?  
গাছের সঙ্গে বেঁধে চাবুক লাগানো উচিত তোমাকে, ইডিয়েট  
কোথাকার !

[ দ্রুতপদে বেরিয়ে গেল । দীপা মাথা নীচু করে  
দাঁড়িয়েছিল । এইবার যাবার জন্তু পা বাড়াতেই বরেন  
ডাকলেন ]

বরেন । শোন !

[ দীপা ফিরে দাঁড়াল ]

বরেন । এস আমার কাছে ।

## খবর বলছি

[ দীপা মন্ত্র চালিতের মতো কাছে এল ]

ব'স এখানে !

[ দীপা দাঁড়িয়ে রইলো ]

তুমি শুনেছো বোধ হয় তোমার স্বামীর কোন খবর পাওয়া যায়নি ? এই তিন মাস ধরে আমি চেষ্টার কোন ক্রটি করিনি, প্রত্যেকটি কাগজে বিজ্ঞাপন দিয়েছি ।

Myke । মাসে একবার করে !

বরেন । হ্যাঁ,—রেডিওতে announce করেছি ।

Myke । মাত্র একদিন !

বরেন । হ্যাঁ ! এ ছাড়া প্রত্যেকটি খানায়—

দীপা । আমি জানি ! আপনার কাছে আমার কৃতজ্ঞতার শেষ নেই ।  
আপনার মত—

বরেন । না—না—সে সব কিছু না, আসল কথা, সবই কাজে লাগতো যদি তোমার স্বামীকে পাওয়া যেতো । তবে আমার এখনো বিশ্বাস যে তিনি এই সহরের কোথাও না কোথাও আছেনই । আজ নয় কাল, কাল নয় পরশু তোমার সঙ্গে তাঁর দেখা হবেই । তবে মাঝে এই দুঃখের ভোগটুকু সেরে নিতে হবে ।

দীপা । যদি একদিন ছুদিন কেন, তার জন্ত যদি আমাকে একজন্যও অপেক্ষা করতে হয় আমি তাও করবো...আমি বাই দিদি হয় তো অপেক্ষা করছেন ।

বরেন । যাও ( দীপা গমনোচ্ছতা ) আর একটা কথা মন্য

## ববর বলছি

করেছি। এরা তোমাকে যখন তখন বকাবকি করে এমন কি অপমানও করে। আমার অনুরোধ তাতে তুমি কিছু মনে কোরো না!

দীপা। নানা আমি কিছু মনে করি না। আমি জানি আমার দোষ হয় বলেইতো দিদি আমায় বকেন। আমি এসে মৃতন একটা দুর্ভাবনার বোঝা তাঁর মাথায় চাপিয়ে দিয়েছি অল্প মাহুঘ হলে কবে তাড়িয়ে দিতো উনি বলে তাই সহ করেন।

বরেন। যাই হোক যে ভাবেই কথাটাকে নাও মোট কথা আমার মুখ চেয়ে তুমি এটাকে সহ করো।

মাইক। তোমার মুখ চেয়ে কেন। ও নিজের মুখ চেয়েও সহ করবে!

দীপা। (চোমকে) কী করবো?

বরেন। বেশ তাই কোরো! তোমার মুখ চেয়েই সহ কোরো।

নে:অরু। দীপা!

দীপা। যাই দিদি।

নে: অরু। কী করছো তুমি এতক্ষণ ওঘরে?

(দীপা বেরিয়ে গেল, অরু প্রবেশ করলো)

অরু। যেটা আমি একেবারেই সহ করতে পারি না। কেন তুমি বারে বারে আমায় দিয়ে তাই সহ করাবে?

বরেন। কী হ'ল কী?

অরু। কী হল? Why you are so much interested in the refugee girl? একটা অনিশ্চিত গ্রাম্য ছোট লোকের মেয়েক

## খবর বলছি

মধ্যে তুমি এমন কী দেখলে গো যে কিছুতেই তার কথা ভুলতে পারছো না।

বরেন। আমি যে ওকে ভুলতে পারছি—তাইবা তুমি ভুলতে পাচ্ছ না কেন? আমি যে ওর রূপটাকে বাদ দিয়ে ওর দুর্ভাগ্যটাকে Sympathy করছি না এটা কেন তুমি মনে করতে পারছো না?

অরু। এতক্ষণ এ ঘরে ও করছিল কি?

বরেন। কাঁদছিল!

অরু। তুমি ছাড়া ওর কাগ্না দেখার কি আর লোক নেই?

Myke? অরুক্ষতী মিত্র, আবার তুমি ভুল করছো। জানতো পুরুষ কখনো বুড়ো হয় না। সে চির তরুন, চির নবীন, চির যুবা। মৃতনের প্রতিভা তার চিরকালের, তোমার ঝরে যাওয়া ঘোবনের সঙ্গে কড়া কথা মিশিয়োনা ঠকবে!

অরু। কিন্তু আমি যে সহ কর্তে পাচ্ছি—কিছুতেই যে আমি সহ কর্তে পারছি।

Myke! না সহ করলে ওর চোখের জল হয়তো একদিন তোমার চোখ দিয়ে ঝরে পড়বে।

[ বরেন মিত্র উঠে এসে ধীরে ধীরে  
স্ত্রীর কাঁধ ধরে বললেন ]

বরেন। কি হ'য়েছে অরু?

অরু। Don't do it' my beloved. for gods sake don't do it. আমাকে না হারিয়ে ওকে তোমার পাবার উপায় নেই,

## খবর বলছি

তাই বলছি ওর দিকে আর মনোযোগ তুমি দিয়ো না দিয়োনা  
দিয়ো না। তোমার dignity কোথায় গেল? তোমার Pre  
stige কোথায় গেল? কোথায় গেল তোমার Personality!  
বরেন! অরু! তুমি শূণ্ণের সঙ্গে যুদ্ধ করছো!

অরু। (একটু চেয়ে থেকে) আমি শূণ্ণের সঙ্গে যুদ্ধ করছি বেশ, আর  
করবো না।

[ দরজা অবধি গিয়ে ফিরে এস ]

অরু। আমার মাসীর ছেলে অনুপমকে যে একটা খবর দিতে বলেছিলাম  
তাকি দিয়েছে!

বরেন। নিশ্চয়ই। আজ কালের মধ্যেই সে তোমার সঙ্গে এসে দেখা  
করে যাবে। কিন্তু একটা কথা জিজ্ঞাস করবো?

অরু। করো!

বরেন। হঠাৎ অনুপমের মতো একটি বিশুদ্ধ লম্পট আর প্রসিদ্ধ  
জুয়াড়ীকে তোমার কী দরকার পড়লো জানতে পারি কী?

অরু। না। কারণটা ব্যক্তিগত!

[ প্রস্থান। ]

[ অরুর প্রস্থানের পরে একা বরেন চেয়ারে  
বসে রইল, তারপর বইখানি কুড়িয়ে  
দেখতে লাগলো ]

মাইক। Impossible. এই সব বাস্তবতার ভাগ্য পরিবর্তন ভগবানের  
ইচ্ছা নয়। পূর্ববঙ্গের স্থির জলের পদ্ম এরা পশ্চিম বঙ্গের

## বনলতা

শ্রোতের ধারায় ভেসে চলেছে। চলেছে কাল-সমুদ্রের মহা  
পরিণতির দিকে। পথের মাঝে কেউ যাবে ম্লান হয়ে শুকিয়ে।  
কারুর পাপড়ি পড়বে খসে। কেউ চলে যাবে বিপরীত শ্রোতে।  
জীবন নদীর বন্ধ জলায় গতিহীন শৈবাল দলে এরা মূল ওপড়ান  
বনস্পতি। পূর্ববঙ্গের নদীমাতৃক মাটিতে এদের প্রাণ। পশ্চিম  
বঙ্গের অপবিচিত্র ভূমিলক্ষী এদের রক্ষা করতে পারবে না,  
পারবে না, পারবে না। কেন তবে মিছিমিছি একে তুমি তুলে  
আনলে জন ভাগ্যের নিশ্চিত পরিণাম থেকে? তোমার চোখের  
সামনে ধীরে ধীরে শুকিয়ে যাচ্ছে এই শ্যামলী বনলতা!  
কী প্রতিকার করবে তুমি তার। কী করবে প্রোফেসার  
বরেন মিত্র?

[ বরেন মিত্র হাতের বই ফেলে দিয়ে  
পাইচারী করতে লাগলো ]

( দৃশ্য ঘুরছে )

\* \* \* \*



## তৃতীয় অঙ্ক

[ আগের সেই ছাদ । সূর্য্য অস্ত যাচ্ছে । ছাদে আর কেউ নেই,—গুধু চুপ করে বসে আছে নমামি ! এর দিকে পেছন ফিরে সহরের দিকে চেয়ে আছে মতিচাঁদ । একটু নীরবতার পর মতিচাঁদ ফিরে এসে বললো ]

মতি । কিন্তু কাজটা কতখানি অগ্নায় হবে, তাকি তুমি ভেবে দেখেছ নমু ?

নমামি । দেখেছি দেখেছি আমি ভেবে দেখেছি । তোমরা যারা বাস্তহারা, তোমরা যারা আজ ঘর ছেড়ে পথে এসে দাঁড়িয়েছো—সহায়, সম্বল, আশা ভরসা কিছু নেই—তোমাদের সাহায্য করবার প্রেরণা তোমাদের আপন করবার উৎসাহ আমি যদি প্রথমে না দেখাই তবে এ কাজ কোনদিনই হবে না । তা জানো ?

মতি । জানি ! কিন্তু প্রশ্ন উঠবে বাস্তহারা তো বাংলা দেশেও ছিল, তবে এত নিজের লোক থাকতে হঠাৎ নমামি একজন পাঞ্জাবীকে বিয়ে করতে গেল কেন ?

নমামি । আমি তার উত্তরে বলবো—পাঞ্জাব আজ বিপদগ্রস্ত হ'য়ে বাংলার বুক আশ্রয় নিয়েছে বাঙালী তাকে ঘরে ডেকে নেবে না

## খবর বলছি

কেন ? সেকি শুধু দরজার বাইরে দাঁড়িয়ে থেকে বাঙালীর গৃহস্থালি দেখবে ?

[ মতি চুপ ]

নমামি । আমি জানি মতি, তুমি কী ভাবছো ?

মতী । কী বলতো ?

নমামি । তুমি হয়তো ভাবছো যে নমামি আমার বাপের লক্ষ লক্ষ টাকা দেখে হঠাৎ লোভে পড়ে এ কাজ করছে ।

মতি । ছি ছি নমু ! কি করে তুমি একথা বললে ? তুমি জানো, আমি তোমায় কতখানি ভালবাসি, আমি বোধ হয় তোমার জন্ম দরকার হ'লে প্রাণও দিতে পারি ।

নমামি । বেশ । তবে সেই প্রাণ আর তোমাকে অল্প কোথাও দিতে হবে না । প্রাণ তুমি আমাকেই দাও মতি । দেখ আমি তার যত্ন করতে পারি কিনা—ছাথো আমি তার মর্যাদা দিতে পারি কি না ।

মতি । বাবাকেও একরার বলবো না ?

নমামি । কার বাবাকে ?

মতি—আমার বাবাকে !

নমামি । আমি যখন আমাদের বিয়ের কথা বাবা মাকে বলছি না, তখন তুমিই বা কেন বলবে ? একমাস পরে আমরা **Declare** করবো ।

মতি । আচ্ছা, কিন্তু আমাকে যে বাড়ী যেতেই হবে ।

নমামি । বেশ তো, যাবো ।

মতি । তুমিও যাবে ?

নমামি—এখন থেকে অর্থাৎ আজ থেকে তোমার সব কাজের মূলেই থাকবো আমি । কাজতো বটেই এমনকি তোমার স্বপ্নও হবে আমিময় **Let's start.**

মতি । একটা কথা—

নমামি—বলো !

মতি । আজকেই আমার মনে হচ্ছিল দীপাকে যদি আমি কিছু টাকা দিই—

নমামি । না !

মতি । দেব না ?

নমামি । না । কেন না জীবনের লোভ এখন ওর কাছে এত বড় যে এর ওপর অর্থের লোভ দেখালে অনর্থ হবে । যে পথে এখন চলেছে টাকা পেনে একেবারে উল্টো পথে যাবে ।

মতি । সত্যি ভারী কষ্ট হয় ওর মুখের দিকে চাইলে !

নমানি । সে কষ্ট ইতিহাসের কষ্ট । চেন্নিস্ খাঁব গল্প পড়লেও আমাদের ঠিক এমনি কষ্ট হয় । এ ব্যাপার ভারতবর্ষে নতুন নয় মতি ! বিধর্মীর বহু অত্যাচার বহুবার আমাদের সহিতে হয়েছে, তবে এবারকার মূতনত্ব হচ্ছে আক্রমণটা হয়েছে—ভারতের ভেতর থেকে অগ্ন্যাগ্নি বারের মতো বাইরে থেকে নয় । চলো !

মতি । একটা স্মটকেশ নেবে বললে !

নমামি । বাইরের ঘরে রেখে এসেছি, সেটা নিয়ে যাবো। আর সেই সঙ্গে

## শব্দ বলছি

য়েথে যাবো একখানা চিঠি যেটা আমাদের চাকর ঠিক আধঘণ্টা  
পরে মারহাতে দেবে ।

মতি । মা কিন্তু খুব shocked হবেন ।

নমামি । এটা তার পাওনা । চলো ।

[ মতি ও নমামি বেরিয়ে গেল একটু পরে দীপা উঠে  
এল ছাদে । যে আলোটা জ্বলছিলো সেটাকে দিল  
নিভিয়ে । তাঁদের আলো এসে পড়লো ছাদের এখানে  
ওখানে । দীপা এগিয়ে গিয়ে রেলিং ধরে সহরের  
দিকে চেয়ে রইল । পাশের কোন একটা বাড়ীতে  
বেডিও খুলে দিল শোনা গেল ।

.....প্রতিষ্ঠান । এখন মধুশ্রী মজুমদার  
আপনাদের আধুনিক বাংলা গান  
গেয়ে শোনাচ্ছেন—

## গান

এই সঙ্গে দীপার মন বলে চলেছে—সব শেষ । আশা, অকাঙ্ক্ষা, হাসি,  
গান, আনন্দ উৎসব সব শেষ । কোথায় গেল স্বামী, কোথায়  
গেল আত্মীয় পরিজন, কোথায় গেল জীবনের সুখ শান্তি । আর  
সেদিন কখনো ফিরে আসবে না.....বর্ষার দিনে কুলে কুলে  
ছাপিয়ে পড়বে গ্রামের নদী উজ্জান বেয়ে চলবে জেলে ডিল্লির দল,  
—সেদিন আর আসবে না । শরতের দিনে নীল আকাশ-মাটিতে  
চুমো খেয়ে বয়ে নিয়ে যাবে খাসের বৃকে তার অশ্রু বিন্দু, উঠান ছেয়ে

থাকবে নতুন ফোটা শিউলি ফুলে—সে থাকবে না। মাঠ ভরা ধানের সমুদ্র ছলবে হাতছানি দেবে ঢেউ তুলে তুলে, ফিরে আয় দীপা ফিরে আয় ডাকবে কোকিল, ডাকবে ডাহুক, ডাকবে দীপা বলে কিন্তু সে থাকবে না। বাঙ্গলা ভাগের সঙ্গে সঙ্গে বাঙালীও ভাগ হ'য়ে গেছে—ছেলে মেয়েদের দল লোহা হ'য়ে গেল লোহা! মধুসূদন দাদা, ঠিকই বলেছেন—হারাধনের দশটি ছেলের আর একটিও রইলো না.....

### পরিবর্তন

[ 'খ' নম্বরের শয়ন কক্ষ। দেখা গেল ববেন মিত্র সেখানে উপস্থিত নাই। পরিবর্তে বসে আছে একটি লক্সা পায়রার মত চোখে কালীপড়া যুবক, আর তার সামনে আছেন অরুন্ধতী মিত্র,। যুবকটি পূর্বোক্ত অনুপম ]

অনু। তারপর ?

অরু। তারপর আবার কী ?

অনু। তারপর নেই ?

অরু। কী আছে ?

অনু। ম্যাও ধরবে কে ? আমি টিকিট কাটতে পারবো না। তুমি জানো না অরুদি, সম্প্রতি আমার কী রকম Crisis যাচ্ছে। ঠিক ভারতবর্ষের Political crisis এর মতো। চাল আনি তো চিনি ফুরিয়ে যায় আবার যখন গম যোগাড় করে আনি, তখন দেখি চাল চিনি কিছু নেই। ফলে পকেটের খালি সংকট

## ধবর বলছি

আর কিছুতেই কম্ছে না।...এ অবস্থায় তুমি বলছো বটে একটা সুরূপা সুরবেশা তরুণীকে নিয়ে এই গহন রাতে সিনেমায় যেতে— অবিশি এতে রোমাঞ্চিত হবারই কথা কিন্তু—

অরু। তোর দেখছি কোন উন্নতিই হয়নি :—

অনু। নাঃ কী করে হবে। বয়সকালে ঠিক উন্নতির মুখটাতেই কতকগুলো মেয়েছেলে এসে পড়লো জীবনে। “উষার উদয় সম-গুণিতা তুমি অকুণিতা।” অতএব আমিও দ্বিকৃতি না করে তাদের নিয়ে এমন মাতাই মাতলুম যে, বলতে গেলে প্রায় সব রকম আনন্দই পাওয়া গেল Exepting that উন্নতি।

অরু। আমি তোকে সিনেমায় যেতে বলছি ?

অনু। তবে কোথায় যেতে বলছো ! এই বলছো শুকে নিয়ে সিনেমায় যা, আবার বলছো সিনেমায় যেতে বলছি না। ব্যাপারটা আর একটু পরিষ্কার ক'রো অরুদি। তোমার ওই দ্বৈতবাদ অদ্বৈতবাদ আমার ঠিক বোধগম্য হচ্ছে না। কোথায় যেতে বলছো বলতো ?

অরু। সিনেমা যাবার নাম ক'রে যেখানে ইচ্ছে শুকে নিয়ে যা না !

অনু—তারপর ?

অরু। তারপর আবার কী ?

অনু। তুমি অবশ্য খুব বুদ্ধিমতী দিদি, তাই ঠিক এই তারপরটাকেই এড়িয়ে যাচ্ছে।

অরু। তারপরটা কী 'তাই বলা ! টাকাতো ?

অনু। আবার কি ? বর্তমান শতাব্দীর আর কি কথা আছে ! টাকা

ধর্ম, টাকা কর্ম, টাকাহি পরমস্তুপঃ যন্ত গৃহে টাকা নাস্তি স  
খালি ঠকঠকায়তি ।

অরু । বেশতো আমি তোকে দিচ্ছি—হাজারখানেক টাকা ।

অনু । পায়ের ধুলো দাও দিদি । এ সব ব্যাপারে তুমি লোক খুব ভাল ।  
এমন চট করে বুঝে ফেল কিন্তু ব্যাপারটা কী বলতো ? ওকে  
বাড়ীতে রাখতে চাইছো না ?

অরু । না !

অনু । কেন ? বেচারী বাস্তহারা বস্তু । ও তোমার ক্ষতিটা করলে  
কী ?

অরু । ওরে মুন্সু তাই যদি বুঝবি, তাহলে তোর এই দশা হয় ?

অনু । সেটা ঠিক বলেছো আমার দশ দশা । finished, থাকগে  
বলো ।

অরু । ওকে নিয়ে গিয়ে এমন একজায়গায় রাখতে হবে যেখান থেকে  
ওর আর ফিরে আসার উপায় থাকবে না ।

অনু । তারপর জামাইবাবু যদি কোন দিন জানতে পারে—

অরু । সে ভাবনা আমার !

[ বরেন মিত্রের প্রবেশ ]

বরেন । কিগো ! হঠাৎ রাত্ৰিকালে ভাই বোনের কনফারেন্স হচ্ছে  
কি জন্য ?

অরু । না, ও আসেনি অনেক দিন, তাই ওকে বক্ছিলাম ।

বরেন । অর্থাৎ ওর সংশোধনের আশা এখনও আছে ।

## খবর বলছি

অনু । ভাল হবার একটা উচ্চাশা কিন্তু আমার বরাবরই আছে জামাই বাবু । অবশ্য যদি বিশ্বাস করেন, তাহ'লে বলি ভাল খানিকটা হয়েছি ।

অরু । ও, দীপাকে নিয়ে একটু সিনেমায় যেতে চাইছে ।

বরেন । হঠাৎ of all persons দীপাকে নিয়ে ?

অরু । পরিচয় হ'য়েছে ভাললেগেছে তাই ।

বরেন । আমায় বললে কেন একথা ?

অরু । তোমার জানা দরকার ! ”

বরেন । আমি যদি বারন করি—

[ অরু ও অনু দুজনেই চমকে বরেনের দিকে চাইলো । বরেন হেসে বললো ]

বরেন । ভয়পেয়ে গেলো ? আচ্ছা তবে যা ইচ্ছে করতে পার, তবে আমার Protest রইলো ।

[ প্রস্থান ।

অনু । এই একটা মহিষাসুর মার্কো মানুষ, দেখলেই মনে হয় গুঁতিয়ে দেবে । জান অরুদি যে বছরে একবার হাঁসে সে হচ্ছে Dangerous লোক ।

অরু । বছরে একবার হাঁসে ? কবে হাঁসে !

অনু । ওই যে বিজয়া দশমীর দিন সিদ্ধি খেয়ে !

[ অরু হেসে উঠলো ]



## খবর বলছি

অরু। নাঃ আর দেবী না। এ মানুষটাকে আমার বিশ্বাস নেই।  
ওর মত বদলাতে একমিনিট, দীপা! দীপা! দীপা!...দীপা!

[ ওপর থেকে দীপা নেমে এল। স্নানমুখী  
আরক্ত নয়না দীপা ]

দীপা। আমায় ডাকছেন দিদি?

অরু। হ্যাঁ ভাই! তোমার মন ভাল নেই দেখে আমি আমার এই  
ভাইকে আনিয়েছি তোমাকে একটু সিনেমায় পাঠাবো বলে।  
তুমি ওর সঙ্গে যাও ভাই, শরীরটাও ভাল হবে। মনটাও ভাল  
থাকবে।

দীপা। এত রাত্রে, আজ নাই বা গেলাম দিদি কালকে দিনে না হয়—  
অরু। না—না—আজই যাও। ও বড্ড আশা করে এসেছে তোমার  
সঙ্গে যাবে বলে—

দীপা। কিন্তু এত রাত্রে—

অরু। আমার ভায়ের সঙ্গে তুমি সিনেমায় যাবে এর মধ্যে রাত্রে কথা  
তুমি কেন তুলছো দীপা?

[ দীপা নীরব ]

তাহ'লে কি তুমি ইচ্ছে ক'রে আমাকে আমার ভায়ের কাছে  
অপমান করতে চাও?...জবাব দাও না?

দীপা। আমার মন ভাল নেই দিদি!

অরু। মন আমারও ভাল নেই দীপা! মেয়েছেলের মন নদীর জোয়ার  
ভাঁটার মতো হাসি কান্নার খেলা। কোথায় আমি তোমার

## খবর বলছি

মন ভাল করার একটা ব্যবস্থা করলাম, আর ইচ্ছে করে  
তুমি আমাকে অপমান করতে চাও? আমি তোমার কোন  
ক্ষতি করেছি?

[ দীপা নীরব ]

অনু। যদি খুব অসুবিধে না হয়, আর আমাকে নিতান্তই বাঘ ভল্লুক  
মনে না হয়, তাহলে চলুন কাছাকাছি একটা সিনেমা দেখে  
আসি। অবশ্য মাপ করবেন—বাংলা বইয়ের প্রতি আমার শ্রদ্ধা  
নেই, যাব ইংরাজী ছবিতে।

দীপা। আমার ভাল লাগছে না দিদি!

[ কেঁদে ফেললো ]

অরু। ভাল লাগবে—যাও, কাপড় জামা পরে এসো।

দীপা। কাপড় জামা পরবার দরকার নেই, আমি এমনি যাবো।

অরু। বেশ। যাও অনু।

[ দীপা ও অনু বেরিয়ে গেল। অরু নিশ্চিন্ত  
হ'য়ে বসতে যাবে, এমন সময় চাকর এসে  
একখানা চিঠি দিয়ে গেল। চিঠি পড়ে  
ভূতের মত চেয়ে রইল অরুণী। ঘরে  
চুকলো বরেন মিত্র। সে অরুণীকে  
দেখে উচ্চ হাস্য করে উঠলো। ভূতের  
মত প্রেতের মত সে হাসি—অবাক হ'য়ে  
অরু চেয়ে রইলো স্বামীর দিকে..... ]

[ দৃশ্য ঘুরিতেছে ]

## খবর বলাহি

[ চোরা কারবারী ও বদমাইসদের আড্ডা  
পুরোদমে জমে উঠেছে। একটা মেয়ে নাচছে।  
কতকগুলি লোক বসে পেষাদা করছে। তাদের  
মধ্যে অনেকেই প্রকৃতিস্থ নয়। থেকে থেকে  
হৈ হৈ ক'রে উঠছে। মাঝখানে বসে আছে  
একটা লোক, তাকে মনে হয় স্বতন্ত্র। শিক্ষা-  
দীক্ষার ছাপ এখনো একেবারে মুছে যায়নি।  
নাচ শেষ হ'য়ে গেল।

সর্দার। আচ্ছা বুলবুল, এখন তোমার ছুটি। অনেক নেচেছ।

মনকেও নাচিয়েছ, এবার জিরোওগে।

শম্ভু। একখানা গান হ'লে মন্দ হ'তো না।

সর্দার। না, আজ আর গান নয় এবার সব কেটে পড়ো একে একে।

ভজা তুই বাড়ী যাবিনি!

ভজা। যাবো।

[ নেশায় ভোর ]

সর্দার। তবে যা। এর পর বেশী রাত হ'লে মুন্সিলে পড়বি।

[ ভজা উঠে পড়লো সঙ্গে সঙ্গে আরও দুজন  
লোক উঠে পড়লো ]

জীবন। আমরাও যাই ওস্তাদ!

সর্দার। হ্যাঁ। কালকে সন্ধ্যা থেকে এখানে থাকবো। যদি কোন

খবর হয়!

## খবর বলছি

ভজা ১ম লোক । খবর হ'লে আগেই আসবো ।

[ সর্দার খাড় নাড়লো । লোক দু'জন ভজাকে নিয়ে বেরিয়ে গেল । সর্দার ভাল করে চেয়ে দেখলো আর কেউ রয়ে গেল কি না । এক দু'জন ক'রে আরও কিছু লোক উঠে গেল । দেখা গেল দূরে একটা লোক হাঁটুর মধ্যে মাথা গুঁজে বসে আছে । ]

সর্দার । কে ওখানে ? ( উত্তর নেই ) ওখানে কে ? এই গণ্শা !

গণেশ । ওস্তাদ !

সর্দার । ওটাকে এক লাখি মেরে তুলে দেতো !

উক্ত লোক । ওস্তাদ ! আমি গো ।

সর্দার । ভবতোষ ! তুমি বাড়ী যাবে না ?

ভব । না !

সর্দার । কেন ? কী হ'ল কী ?

ভব । পয়সা না নিয়ে বাড়ী যাওয়া চলবে না ।

সর্দার । কিন্তু পয়সা রোজগারের চেপ্টা তুমি করছ কোথায় ?

তোমার সঙ্গে যারা কাজে লেগেছিল তারা এক একজন লাল হ'য়ে গেল । আর তুমি যেখানে ছিলে সেখানেই রইলে ।

ভব । বরাত ওস্তাদ ! আমার বরাত নইলে অমন মেয়ে হাত ছাড়া হয় ? আহা ! অমন মেয়ে ! এক শালা বাইরে থেকে এসে টপ্ ক'রে গালে ফেলে দিয়ে চ'লে গেল ! ওহো হো ! জানা মেয়ে ওস্তাদ ! জানা মেয়ে ।

সর্দার । গণেশ !

গণেশ । আজ্ঞে !

সর্দার । ভবতোষের পাওনা আমাদের কাছে কিছু আছে নাকি ?

গণেশ । খাতা দেখতে হয় স্তার !

সর্দার । দেখে রেখো যদি কিছু ওর পাওনা থাকে, তবে কালকেই দিয়ে দিও ।

গণেশ । Yes Sir.

সর্দার । খাও, ভবতোষ, বাড়ী যখন যাবে না, তখন খাওয়া দাওয়া ক'রে শুয়ে পড়গে ।

ভবতোষ উঠলো টলতে টলতে বেরিয়ে গেল ।  
সঞ্জয় প্রবেশ করলো । জামাটা ছেঁড়া, কাপড়  
ময়লা । সর্দার তখনো একটি গ্লাসে মদ  
ঢালতে বাচ্ছিলো সঞ্জয় আসিয়া ধপ্ করে বসে  
পড়লো ]

সর্দার । কী হ'ল সঞ্জয় ?

সঞ্জয় । ওস্তাদ ! ( কেঁদে ফেললো ) ওস্তাদ ?

সর্দার । কী হ'ল কী ?

সঞ্জয় । ওস্তাদ ! আমাকে পটাসিয়ামসায়েনায়েড কেনবার পরস  
দাও । আমি আর বাঁচতে চাইনা । এ সংসারে প্রেমে  
পড়বার উপায় নেই !

গণেশ । ওই নাও ! আবার কোথায় ঠোকর খেয়ে এসেছে !

সর্দার । কী হ'লরে সঞ্জয় ?

## কথন বলছি

সঞ্জয় । কী হ'ল ! কী হ'ল না ! তাই বলা ! ওই যে তোমাদের  
মেয়েটা পুঁটলী না কী যেন নাম !

সর্দার । পুঁটলী !

সঞ্জয় । আরে হ্যাঁ ! আরে ওই First riot এ যে বাগের হাট থেকে  
চালান এসেছিল, ( চাপা স্বরে ) ওই যে পুণা না গোয়া থেকে  
একটা লোক দু' হাজার টাকা দিয়ে নিয়ে গেল !

সর্দার । আবার এই সব কথা এই ভাবে আলোচনা করছিন্ ! তোর  
দিন ফুরিয়েছে দেখছি ।

সঞ্জয় । চোখ রাঙিয়ে না ওস্তাদ ! আমি মরচি নিজের জালায়, উনি  
আমাকে চোখ রাঙাতে এলেন ! পড়োনি তো কোনদিন  
মেয়েদের প্রেমে, খালি চিটে গুড়ের মতো বেচা-কনাই করলে  
কী বুঝবে ?

সর্দার । ( হেসে ফেললে ) না, আমি কোনদিন তোর মতো প্রেমে  
পড়িনি । তা বল, বা বলছিলি ! কী হ'ল তার ?

সঞ্জয় । সে দেখছি, আজ ট্রামে লেডিজ্ সীটে !

গণেশ । সে কি ?

সর্দার । কী বলছিন্ তুই নেশা করেছিন্ ?

সঞ্জয় । না না, নেশা কেন করবো ? পরিষ্কার দেখলাম লেডিজ্ সীটে  
ব'সে আছে পুঁটলী । মেছে বাজারের মোড়ে নামলো, আমিও  
নামলাম । আমাকে দেখেই জোরে হাঁটে আমিও হাঁটি । শেষে  
ফট ক'রে দাঁড়িয়ে গিয়ে বললো, অনেকক্ষণ দেখছি ; আপনি  
আমার পেছনে পেছনে আসছেন, কে আপনি ?

সর্দার । তারপর ?

সঞ্জয় । হেসে বললাম, পুঁটু, আমাকে চিন্তে পারছো না ? সেই  
যে আমি তোমাকে বিয়ে করতে চেয়েছিলাম ! তুমিও

[ সর্দার গণেশের দিকে চাহিল ]

বলেছিলে হ্যাঁ ! ওমা ! সে দেখি নড়েও না, কথাও কয়না ।  
বুঝলাম ওষুধ ধরেছে । খুসী হ'য়ে বললাম মনে পড়েছে পুঁটু ?  
সে ঠাণ্ডা গলায় বলল না, মনে পড়ছে না । ব'লেই না মশায়  
পুলিশ পুলিশ করে চাঁচানি জুড়ে দিলে । মার ! মার ! সঙ্গে  
সঙ্গে লোকজন যেন মুকিয়েছিল !.....উঃ ! সেখান থেকে  
মৌলালীর মোড় অবধি দৌড়েছি !

সর্দার । তুই এমনি ক'রে নিজে কোন্ দিন মরবি আর আমাদেরও  
মারবি ।

সঞ্জয় । না না; তোমাদের মারবো কেন ওস্তাদ ? তোমার জন্তু জামা-  
কাপড় পরে খেয়ে-দেয়ে কাপ্তেনী ক'রে বেড়াচ্ছি, আর তোমায়  
মারবো ! ভগবান নেই ।

সর্দার । হ্যাঁ, আছেন, তোর ভগবান আছেন আমার সিগ্‌রেট  
কেশে ।

সঞ্জয় । সত্যি বলছি, আমার দিকে একটু চাও ওস্তাদ ! কত তো  
তোমাদের এখানে আসছে যাচ্ছে । ওরি মধ্যে একটা আমার  
দাও, বে'থা ক'রে ঘর সংসার করি । আজ কিছু এলো ?

সর্দার । রোজ আসে নাকি ? দাঙ্গা খেমে গেছে আমদানীও বন্ধ ।

## খবর বলছি

[ জীবন নামে একটি লোকের প্রবেশ ]

জীবন । অনুবাবু এসেছে ওস্তাদ !

সর্দার । কে অনুবাবু ? ও ! আমাদের অনুপম ! সে হঠাৎ  
এত রাত্তিরে !

[ জীবন এগিয়ে এসে সর্দারের কানে কানে  
কী বললো ]

সর্দার । ও ! কোন ঘরে বসিয়েছিস্ ।

জীবন । তোমার ঘরে ।

সর্দার । ঠিক আছে যা ।

[ জীবনের প্রশ্নান ।

সর্দার । সঞ্জয় শুয়ে পড়গে যা !

সঞ্জয় । তা যাচ্ছি । কিন্তু আমার কথাটা মনে রেখো ওস্তাদ ! বাই  
হোক তোমার আশ্রমে আছি বলতে গেলে তোমার ছেলের  
মতো—

সর্দার । তুই শালা না আমার Class friend !

সঞ্জয় । Class friend ব'লো গ্রাম friend ব'লো সবই ঠিক ।  
তাহ'লেও আছি যখন তোমার আশ্রয়ে—

[ সঞ্জয় চলে গেল । সর্দার উঠে দাঁড়াল ।  
গণেশের দিকে চেয়ে বললো ]

সর্দার । অনু এসেছে একটা মেয়েকে নিয়ে একবার দেখে আসি ।...কী  
হয়েছেরে ? শুন্ খেয়ে বসে আছিস কেন ?



## ধবর বলছি

গনেশ । আজ এখানে ঢোকবার মুখে দুটো অজানা লোককে দেখলাম  
ওস্তাদ ! আমার ভাল লাগছে না । মনে হচ্ছে বিপদ সামনে !

সর্দার । পুলিশ আসবে তো ! আস্থক না পুলিশ এসে দেখবে একটা  
বিরাট বস্তির মধ্যে আমরা কতকগুলো family বাস করি । এর  
আগেও তো পুলিশ এসেছিল । বুঝতেই পারলে না কিছু ।  
আমার ঘরে ঘুমাগে তুই । ওই জন্তেই এখন বুঝলি তো গোটা  
কয়েক মেয়েকে রেখে দিয়েছি কপালে সিঁদুর দিয়ে !

গনেশ । তারা যদি বলে দেয় ?

সর্দার । না । পুরুষের বশ হ'য়ে গেলে মেয়েরা আর কথা বলে না ।  
নিশ্চিত থাকগে যা । আমি দেখে আসি অল্প আবার কী  
আমদানী করলে !

[ সর্দার চ'লে গেল । গনেশ ভেমনি বসেই  
রইলো ]

[ বসবার ঘর ও শোবার ঘর পাশাপাশি । একটা  
আসনে চুপ ক'রে বসে আছে দীপা । ভয়ে তার  
মুখ শুকিয়ে গেছে । একটু দূরে অল্পম  
জানাল দিয়ে বাইরে চেয়ে আছে ]

দীপা । কী ! আমার কথার জবাব দিচ্ছেন না কেন ? চান আমার  
দিকে ! ( অল্পম চাইল ) এইকি আপনার সিনেমা দেখার  
জায়গা ? এখানে কী সিনেমা আপনি আমাকে দেখাবেন ?  
যে ছবির আপনি নায়ক আর আমি নায়িকা ?

## খবর কলছি

অনু ! আপনি ব্যস্ত হ'চ্ছেন কেন ? এখনি তো জানতে পারবেন ?

দীপা । নতুন কি জানাবেন আপনি আমাকে ? এ আমি জানি ।

যখনই আপনার দিদি আপনার সঙ্গে আমাকে সিনেমা যাবার কথা বলেছেন তখনি আমি জানি, জীবন আমার নতুন পথে চললো ।

কিন্তু আপনার লক্ষ্য করে না একটু ! আপনি না ভদ্রলোকের ছেলে ? আপনার না ভদ্র বংশের রক্ত গায়ে আছে ! মেয়েদের

ভুলিয়ে নিয়ে এসে বেচে দিয়ে সেই টাকায় নেশা চালাতে চান ?

অনু । ( বিদ্যুৎবেগে ফিরে ) আমি ?

দীপা । হ্যাঁ আপনি । নইলে আপনি আমাকে অণ্ড জায়গায় নিয়ে

যেতে পারতেন । এখানে নিয়ে এসেছেন কেন ? কোলকাতার

বাইরে এই অন্ধকার বস্তীর মধ্যে কী হয় তাকি আমি বুঝতে

পারিনি মনে করেছেন ? আমি সব বুঝতে পেরেছি । কিন্তু

কেন আপনি আমার এই সর্বনাশ করবেন ? আমি আপনার

কী ক্ষতি করেছি ?

[ অনু জানালা দিয়ে বাইরে চেয়ে রইলো, দীপা

এগিয়ে এসে তার হাত ধরলো ]

শুনুন ! চান আমার দিকে । আপনি নিজে কেন আমাকে নষ্ট

করলেন না ? কেন আপনি নিজে বললেন না যে আপনার নারী

মাংসের দরকার । কেন বললেন না ?

অনু । কী মুঞ্চিল ! আপনি আমার কথাটা যে একবারেই বুঝতে

চাইছেন না । এখানে ঢোকবা মাত্র কী ক'রে আপনার ধারণা

হ'য়ে গেল যে আমি আপনাকে বিক্রী করতে এসেছি ।

দীপা । আমার মন বলেছে । বিপদের কথা মেয়েরা আগে বুঝতে পারে । আপনি কার চোখে ধুলো দেবার চেষ্টা করছেন অল্পম বাবু ! আপনার চলা, আপনার চাওয়া, আপনার কথা, আমাকে বলে দিচ্ছে আপনি ভয় পেয়েছেন । আপনি চান এই বোঝা আপনার ঘাড় থেকে নামাতে, আপনি ভীক, আপনার নিজের সাহস নেই আমাকে স্পর্শ করতে বোধ হয় ভদ্র রক্তের এখনও কিছুটা শরীরেব মধ্যে আছে ।... .. আচ্ছা, একটা কথার জবাব দেবেন ?

অল্প । কী ?

দীপা । কত করে দেয় এরা আপনাকে প্রত্যেক মেয়ের জন্ত ?

অল্প । কেন ?

দীপা । আমি আপনাকে সে টাকা দেব । দেশ থেকে আসবার সময় কিছু গয়না আমার গায়েছিল, সেগুলো আপনার দিদির কাছে রয়েছে,—সেগুলো বেচে আর বাকী টাকা ভিক্ষে করে আপনাকে দেব যদি আরও কিছু চান এমন কি আমার স্বামীর ব্যবহার করা এই দেহের ওপর যদি আপনার লোভ হ'য়ে থাকে চলুন এখান থেকে, আমি পূজা শেষ করা প্রতিমার মতো দেহ আপনার পায়ে বিসর্জন দেব, যা চাইবেন আমি সব দেব । কিন্তু দোহাই আপনার পাঁচজনের এক সঙ্গে খাওয়া পাতের ওপর আমায় ফেলে দেবেন না ।

অল্প । ধামুন ! আম বক্তৃত্তা শুনতে চাই না । আমি মাতাল-মদ খাই, প্রচুর মদখাই । চরিত্র আমার অক্ষত অন্নান আছে এমন কথাও আমি বলবো না ।—— কিন্তু যে সব

## খবর বলছি

মেয়ে তাদের আত্মাছাতি দিয়েছে ভালবেসে বেকায়দায় নয়। আজ দিদি আমার সর্বনাশ ক'রেছে। কোন দিন এরকম ভাবে কোন মেয়েকে নিয়ে আমি পথে বেরোয়নি,—এ আমার ব্যবসা নয়, আমি চাই আপনাকে আমার ঘাড় থেকে নামাতে। যে দুভাগ্যের স্রোত আপনাকে কোলকাতায় এনে ফেলেছে সে হয়তো আপনাকে ভারতের অন্য প্রান্তে নিয়ে যাবে তাতে আমার কী? আমি তো হাজার টাকা পেয়েছি এখান থেকেও কিছু পাব।

[ সর্দারের প্রবেশ ]

সর্দার। নিশ্চয় পাবি অল্পম। বিনা মূল্যে মেয়ে আমরা নিইনা। আর মেয়েদের বস্তুতা শুনেও গলে যাই না।

[ সীপার সামনে দাঁড়িয়ে তাকে দেখতে লাগলো।  
কিছুক্ষণ দেখার পর বললো ]

সর্দার। জীবনে একটা কাজের কাজ করেছিস্বে অল্পম। ভাল দর পাবার মতো ভাল জিনিষ। **Strong. Stout. Healthy. Acomplished. and beautiful.** সাবাস্ আমি তোকে এরজন্য দু'হাজার টাকা দেবো আর পেট ভরে **White label** খাওয়াবো। চল্!...শোন্, তুমি এখানে বেশ ফুর্তি ক'রে থাকবে। ওই পাশের ঘরখানা তোমার শোবার ঘর। এখানে কেউ তোমাকে বিরক্ত করবে না বা তোমার গায়ে হাত দেবে না। অতএব

## খবর বলছি

নিশ্চিত হ'য়ে ঘুমোতে পারো। যাও! তুমি গিয়ে ও ঘরের দরজা বন্ধ ক'রে দাও, তারপর অমরা যাবো!... (চুপ) স্বামীর জন্ম ছ'চারদিন মন কেমন করবে বটে, পরে ঠিক হ'য়ে যাবে, যাও।

[ দীপা তেমনি মাথা নীচু ক'রে দাঁড়িয়ে রইলো।  
সর্দার যেন রেগে গেল ]

কী হাত ধরে পৌছে দিতে হবে নাকি? বেশ্ তাই চলো!

[ সর্দার যেমনি এগোতে যাবে অমনি অনুপম  
আঁস্ট চীৎকার ক'রে উঠলো ]

অনু। খবরদার! তুমি ওর গায়ে হাত দিয়ো না বলছি ওস্তাদ!  
(ছুটে ওদের মাঝে গেল) আমি বেচবো না, আমার জিনিষ  
বেচবো না।

সর্দার। এখন আর তা হয় না অনুপম! মেয়ে নিয়ে এসে এখান থেকে  
আর ফিরিয়ে নেওয়া যায় না।

অনু। কেন যায় না? আমার জিনিষ, আমি যদি না বেচি? আমার  
যদি দরে না বনে!

সর্দার। বেশতো, দাম বেশীনে! বেচবিনে বলছিন্ কেন?

অনু। না, আমি বেচবো না। লাখটাকা দিলেও আমি বেচবো না।  
আমার জিনিষ বেচা না বেচা আমার ইচ্ছা।

সর্দার। আর তা হয়না অনু!

## ধবর বলছি

অনু । হ'তেই হবে ওস্তাদ !

সর্দার । এখান থেকে কোন দিন কোন মেয়ে ফিরে গেছে বলে জানিস্ ?

অনু । এই প্রথম মেয়ে ফিরে যাবে ! ( সর্দার হাঁসুছিল ) হেঁসো না

সর্দার । আমাকে ঘাঁটিয়ে তোমার কোন লাভ নেই, প্রতিশোধ  
নেবার জন্য পিপড়েও কামড় দেয় কথাটা মনে রেখো । ভাল  
চাওতো আমাদের ছেড়ে দাও ।

[ সর্দার নিঃশব্দে পায়চারী করতে লাগলো ।  
দীপা নত মুখে দাঁড়িয়ে রইলো—সে যেন  
পাথর হ'য়ে গেছে । হঠাৎ সর্দার দাঁড়িয়ে  
বললো ]

সর্দার । না : তোকে আমি ভালবাসি। স্বতন্ত্রতাই হোক সেই ভালবাসার  
মান রাখবো, যা চলে যা ।

অনু । চলে এস-চলে এস । একমিনিট পরেই হয়তো ওর মত্ বদলে  
যাবে । ওগো দাঁড়িয়ে থেকো না । ( হঠাৎ দীপার হাত ধরে )  
পালিয়ে চল দিদি পালিয়ে চল...

[ ছুটে চলে গেল ]

[ সর্দার আবার পায়চারী ক'রতে লাগলো ]

## চতুর্থ অঙ্ক

### প্রথম দৃশ্য

[ ছুটা বাড়ীর ধার দিয়া ফুটপাত । একটি গ্যাসপোষ্ট ; বৈকাল বেলা পড়ন্ত  
রোদ—বাড়ীর মাথায় পড়েছে । একটি ঘোমটা দেওয়া মেয়ে, হাত পেতে  
বসে আছে, কিছু পয়সা আছে তার হাতে । মুখীর মা চুকল । তার  
হাতে একটা হাঁড়ি । ঘাড়ের উপর দুখানি কাঁথা মাথায় চুল  
উন্সো-খুন্সো, সে ধীরে ধীরে এদিক ওদিক দেখিতে  
দেখিতে পথ চলছে—একটা বাড়ীর দরজা খুলে  
একটা মেয়ে ডাকিল । ]

মেয়ে । পাগলী ও পাগলী—

মুখীর মা । আমারে ?

মেয়ে । হ্যাঁ । এগুলো নিয়ে যাও ।

মুখীর মা । না না ভিক্ষা নিমুনা । আমি ভিক্ষা দিছি, আমার মাইয়ারে  
ভিক্ষা দিছি তোমাগো ।

মেয়ে । না না ভিক্ষা নয় এ হল প্রসাদ—

মুখীর মা । প্রসাদ ! কিসের প্রসাদ ! আজ কী পূজা ?

মেয়ে । সত্যনারায়ণ ।

মুখীর মা । ও ! আজ কি পূর্ণিমা ? তোমাগো দেশে দিনে পূজা হয় ?

আমাগো হয় রাত্রে ( প্রসাদ নিল )

## ধবল বলছি

মেয়ে । তুমি বৃষ্টি ভিক্ষে নাওনা ।

মুখীর মা । ক্যান নিমু ? জ্বাসে আমার পঁচিশ বিঘা জমি, গাছে ফল  
গরুতে দেয় দুধ কিসের অভাব ? সব গ্যাছে গিয়া । মুখীর বাবা তো  
আসতে আসতে পথেই গ্যাছে মুখীরে নিল শিয়ালদহ । তোমরা  
জ্বাখছনি আমার মুখীরে ? জ্বাখো নাই ? না—সে আর নাই ।

মুখীর মা । কপালেতে হানিকর কাঁদে লীলাবতী,  
ঘাটেতে আসিয়া তুমি কোথা গেলে সতী ।  
আমারে ফেলিয়া কেন যাবে তুমি একা,  
একবার প্রাণেশ্বর মোরে দাও দেখা ।  
সত্যনারায়ণের বরে পেল পতি প্রাণ,  
বিশ্বভরি শ্রীহরির উঠে জয় গান ।  
প্রসাদ লইয়া যায় ভক্তি ভরে যেই,  
ধনে জনে পতি পুত্রে পূর্ণ হয় সেই ॥

[ প্রসাদ খেল খোমটা দেওয়া মেয়েটার দিকে  
চেরে হেসে উঠল । ]

হাত পাইত্যা বসে রইছ ক্যান ? প্রসাদ নাও সত্যনারায়ণের  
প্রসাদ নাও । সব ছুঃখ, সব কষ্ট ঘুচ্যা যাইবো ।

[ একটি ফল দিয়া চলে গেল । মেয়েটা ফল কপালে  
ঠেকিয়ে মুখে দিল । দেখা গেল হন্-হন্ করে নমামী  
আসছে, তার হাতে একটি ছোট চামড়ার স্টকেশ  
পিছন থেকে আওয়াজ শোনা গেল ]

মতি । একি !, তুমি না বলে কয়ে এমন ভোরে চলে যাচ্ছ কেন ?  
আর যাচ্ছ ত হেঁটেইবা যাচ্ছো কেন ?



নমামী । আমার বাবার ত গাড়ি নেই ।

মতি । তোমার বাবার না থাকলেও আমার বাবার আছে । সেটা ব্যবহার করলে হতো । আর কেউ ঘুম থেকে ওঠেনি । এ অবস্থায় তুমি বাড়ী থেকে বেরিয়ে এসেছ লোকে শুনলে বলবে কি ?

নমামী । আমি কোন লোকের ধার ধারিনা ।

মতি । কিন্তু একটা কথা উঠবে !

নমামী । তোমাকে যখন বিয়ে করেছিলাম তখনও কথা উঠেছিল ।

But I did not care it.

মতি । যাক গে এখন কেউ উঠেনি কেও কিছু জানতে পারবেনা ।

বাড়ী চল ।

নমামী । না ।

মতি । না কেন ?

নমামী । না এই জন্য যে, আমাকে নিয়ে তোমাদের অসুবিধে হচ্ছে, সেটা তোমরাও মুখ ফুটে বলতে পারছনা, আর আমিও সহ্য করতে পারছিনা । এ অবস্থার শেষ করতে হলে তোমাদের ছেড়ে আসা ছাড়া আর কোন উপায় নেই ।

মতি । আরে হল কী ?

নমামী । বোকা সাজবার চেষ্টা করছ কেন ? তুমি কিছু জাননা বলতে চাও ? তোমাদের আচার ব্যবহার রীতি নীতির সঙ্গে আমাদের আচার ব্যবহার রীতি নীতির কোন মিল নেই । এও সহ্য হয়েছিল কিন্তু পরশু রাত্রে তোমার বাবা যখন তোমাদের ভাষায়

## খবর বলছি

বাল্লীর যথেষ্ট নিন্দে করলেন তার উপর ওখানে আর  
থাকা চলে না।

মতি । For god sake do'nt create a scene over here.

নমামী । Then do'nt say anything let's bid good by  
peacefully. আমি ভুল করেছি সে ভুলের প্রায়শ্চিত্ত আমি  
করবো—তুমি আবার বিয়ে করতে পার।

মতি । এই যদি তুমি করবে তবে বিয়ে করেছিলে কেন ?

নমামী । সহজে পেয়েছ বলে তোমরা তার জন্ত মর্যাদা দিতে রাজি  
নও। তাতেও দুঃখ ছিলনা কিন্তু অমর্যাদা এক জিনিষ আর  
অসন্মান আর এক জিনিষ। ছেলে বেলা থেকে অসন্মান সহ  
করতে শিখিনি। কাজেই তোমাদের মুক্তি দিয়ে গেলাম।  
তোমাদের দেওয়া গয়নাগুলো সাথে নিয়ে এসেছি কোন গরীবকে  
দান করে দেব। দীপা আমাদের বাড়ীতে থাকলে তাকেই  
দিতাম। কেন না তার উপর খুব অবিচার করেছি। কিন্তু  
খবর পেয়েছি মা তাকে কোথায় সরিয়ে দিয়েছেন। এই যে  
একটি মেয়ে এখানে রয়েছে।

[ এগিয়ে গিয়ে চামড়ার এটাটা কেসটা  
উপবিষ্টা মেয়েটাকে দিল, ও চলিতে  
লাগিল। মতি তার পিছনে বাইবার  
উছোগ করিতেই নমামী বলিল। ]

নমামী । For' god sake don't follow me. বলিয়া চলিয়া  
গেল।

## খবর বলছি

[ মতিচাঁদ একটুকণ দাঁড়িয়ে থেকে ফিরে বাবার উপক্রম করিতেই, উপবিষ্টা মেয়েটি ব্যাগটি নিয়ে উঠে দাঁড়াল কি যেন সে বলতে গেল মতিকে কিন্তু পারলে না। আবার নীরবে ব্যাগটি নিয়ে পথে বসে পড়লো, ব্যাগটা তার কাপড়ের মধ্যে লুকিয়ে নিল। প্রবেশ করল একজন মাতাল ও একজন গ্যাজেল একজনের নাম কেলো,— একজনের নাম শিবে ]

শিবে। বকাসনি কেলো আমার নেশা আর তোরা নেশা, বাবা যা খায় মা তা খেলে মামা হয়ে যাবে।

কেলো। জিব খসে যাবে শিবে জিব খসে যাবে। মার মূর্ত্তি ভেবেনে।  
জিভ বার করে দেখাচ্ছে, তার মানে কী ?

শিবে। কী মানে ?

কেলো। মানে হচ্ছে মা বলছেন, আমার নিন্দে করিসনি বাছা তা হলে এই জিভ ( জিভ দেখিয়ে ) খসে যাবে, খবরদার।

শিবে। ই্যা খসে যাবে। খসে গেলেই হল ? তোরা মা চটে গেলে আমার বাবা বাঁচাবে। বাবা আছে কী কর্ত্তে !

কেলো। বাবা আছে ; আছে যে বলচিস, বাবা কোথায় আছেরে !

শিবে। কেন কৈলাসে।

কেলো। বকাসনি। কৈলাসে বাবা থাকতো বিয়ের আগে মা ঘরে আসার পর থেকে তো চিতাং হয়ে মায়ের পায়ের তলাতে পড়ে আছে। কেন জানিস ?

ধবর বলছি

শিবে। হ্যাঁ।

কেলো। বলতো।

শিবে। রক্তবীজ বধ করবার সময় কালী ক্ষেপে গিয়েছিলো বলে বাবা তাঁর পায়ের তলায় পড়ে থামিয়ে দিয়েছিলো। স্বামীকে ঐ অবস্থায় দেখে মা লজ্জায় জিভ কাটলেন।

কেলো। আমার মা জিভ কাটবার মেয়ে কিনা? পাছে যুদ্ধের সময় অসুস্থরা কাপড় ধরে বে কায়দায় ফেলে দেয়, এই জন্তু সে গ্যাংটো হয়ে যুদ্ধে নেমে গেল, সে পরে পায়ের তলায় স্বামীকে দেখে। লজ্জা স্বামী ফামী ও সব ঘরে মানবে।

বাইরে মানবে কেন? তা নয়। আসল ব্যাপার তুই জানিসনে।

শিবে। কি আসল ব্যাপার শুনি।

কেলো। আসল ব্যাপার হল, একদিন নন্দী এসে তোর বাবারে বললো প্রভু আজ নেশা হবেনা। বাবা বললেন সে কিরে, নেশা না হলে আমি আর কিছু রাখবনা। নন্দী বললো প্রভু আজ মায়ের কাছ থেকে চালিয়ে নিন। বাবা চিন্তিত হলেন। কেননা ওসব খাননি কখনো। যাই হোক বাবা গিয়ে মাকে বলতেই, মা বললেন জলে নেমোনা স্বামী, তুমি ডাক্তার জীব ঠাণ্ডা লেগে সর্দি ফর্দি হলে আমি মুন্সিলে পড়বো।

শিবে। তারপর। বাবা খেলো?

কেলো। উপায় কী! অনেক কাকুতি মিনতি করাতে মা একটুখানি বাবাকে চলে দিলেন। ব্যাস! খাওয়ার দু' মিনিট পরেই বাবা জমি সিলেন। মা গিয়েছিলেন অল্প কাজে। ভূদী গিয়ে

## খবর বলছি

খবর দিলে মা শীগগির আসুন, বাবা ফ্ল্যাট ! মা দৌড়ে আসতে আসতে হৌচট খেয়ে চেয়ে দেখলেন—বাবা ! তখন মা, বাবার এই ছ আউল Stand করবার কেলামতি দেখে লজ্জায় জিভ কাটলেন ।

শিবে । ষাঃ—

কেলো । মাইরি ! এ আমার গুরু শ্রীমৎ মদগর্ভিত মদকানন্দ মহারাজের কাছে শোনা । শাস্ত্রের কথা !

শিবে । তা যাই বল আর তাই বল শুকনো সাকনোর ওপর নেশা করলে মেজাজটা ভাল থাকে ।—দোল পূর্ণিমার মত ।

কেলো । চূপ কর ! চূপ কর । মেজাজ ছাখাসনি ! ভিজ্ঞে নেশা হচ্ছে, রাখি পূর্ণিমার মত । এই জল, এই মেঘ,—এই বৃষ্টি—এই ফিক্ফিক করে টাঁদের ঝিলিক । মেজাজ ! গ্যাংটো মায়ের ছেলের গ্যাংটো মেজাজ । এই দেখবি ? এই ছাখ আমার পকেটে দশ টাকা আছে । আছে তো ! এই ছাখ ভিথিরীকে দিয়ে দিলুম—ব্যাস্ আজ হরিমটর ।

শিবে । দান ? বাবার ব্যাটার কাছে দান দেখালি ? এই ছাখ চেয়ে ছাখ একবার কাণ্ডখানা,—কত টাকা ? পনর তো ? এই নে, ব্যাস্, আজ কেলোর মায়ের ব্যাটা বুলছে বরাতে ।

[ দুজন লোক মজা দেখতে দাঁড়িয়ে গিয়েছিল ]

কেলো । আয় শিবে । এরা মজা দেখতে দাঁড়িয়েছে । তোর আমার ঝগড়া ঘরোয়া ঝগড়া—

## খবর বলছি

শিবে। নিশ্চয়। এ বলতে গেলে এ হল মা বাবার ঝগড়া।  
কেলো। ঠিক! বাইরের লোক তা শুনবে কেন? চলে আস।

[ ছুজনে চলে গেল,। প্রতীক্ষমাণ মেয়েটা  
গয়নার ব্যাগটা তার কাপড়ের তলার লুকিয়ে  
নিয়ে চলে গেল। একটু পরে ভবতোষ ও  
প্রোফেসর মিত্র প্রবেশ করিলেন ]

প্রঃ মিত্র। আপনি আমাকে চেনেন?

ভব। আপনাকে স্মার কে না চেনে? আপনি স্বনামধন্য পুরুষ।  
অনেকদিন থেকেই আপনার সঙ্গে পরিচয় করবার ইচ্ছা ছিল,  
সুযোগ হয়নি, আজ—

প্রঃ মিত্র। কি করেন আপনি?

ভব। করি স্মার, অনেক রকম কাজ। তবে তার মধ্যে আমার নাম  
ডিটেকটিভের কাজটাতে।

প্রঃ মিত্র। ডিটেকটিভ?

ভব। ইঁ্যা স্মার, সখের, সখের ডিটেকটিভ।

প্রঃ মিত্র। ও সখের? আচ্ছা আপনি নিরুদ্দিষ্ট বাস্তুহারা মেয়েদের  
সম্বন্ধে কোন খোঁজ খবর রাখেন?

ভব। না স্মার। বাস্তুহারা মেয়েদের খবর বলতে পারবো না, ওরা  
হচ্ছে স্মার প্যাকাল মাছের মত, ধরতে গেলেই ফস্কে যায়।

প্রঃ মিত্র। আপনি কি ওদের ক্যাম্প ট্যাম্পগুলো জানেন?

ভব। সব না চিনলেও কিছু কিছু চিনি। কী ব্যাপার স্মার? দয়া  
করে একটু খুলে বলুন না।

প্রঃ মিত্র । এমন কিছু ব্যাপার নয় । একটা মেয়েকে আমি শিয়ালদা স্টেশন থেকে উদ্ধার করে নিয়ে এসে নিজের বাড়ীতে রাখি ; কিন্তু কিছুদিন পর আমার স্ত্রী তাকে এমন সন্দেহ করতে শুরু করলেন ।

ভব । ওই তো স্মার, আমাদের দোষ । কোন একটা ভাল জিনিষ কিছুতেই করতে দেবে না । কত বয়স স্মার ।

প্রঃ মিত্র । বয়স কত আর—এই চব্বিশ পঁচিশ !

ভব । আমিও স্মার ওই রকম অনুমান করেছিলাম, তা গয়না-গাঁটা কিছু দেননি তো ?

প্রঃ মিত্র । কিসের গয়না-গাঁটা ?

ভব । আপনি ত তাকে বিয়ে করবেন স্থির করেছিলেন ?

প্রঃ মিত্র । সে কি মশায়, সে যে বিবাহিতা ।

ভব । হ্যাঁ স্মার বিবাহিতা তো হতেই হবে । চব্বিশ পঁচিশ বছরের মেয়ে কি আর অবিবাহিতা থাকে ? সে জানি । আমি বলছিলাম কি স্বামীকে যেন কেটে ফেলেছে—তখন একটা কুশপুতলিকা—

প্রঃ মিত্র । আপনি বহুদূর গেছেন । অতটা নয় । মেয়েটা স্বামী নিয়ে শিয়ালদা স্টেশনে আসে, এমন সময় একটা জোচ্চোর পরিচিতের মুখোস পরে সেখানে এসে একটা ভাল বাড়ী দেখাবার নাম ক'রে স্বামীটাকে সরিয়ে দেয় । পরে সেই লোকটা ফিরে এসে ভদ্রমহিলাকে বলে বাড়ী ঠিক হ'য়ে গেছে আপনি চলুন । মেয়েটা বুদ্ধিমতী ! সে যেতে রাজী হয় না । এ নিয়ে যখন গণ্ডগোল

## খবর বলছি

চলছে সেই সময় আমি গিয়ে পড়ি। মেয়েটা আমার পা জড়িয়ে ধরে help চায়। আমি তাকে বাড়ীতে নিয়ে আসি।

ভব। কী নাম মেয়েটার ?

প্রঃ মিত্র। দীপা।

ভব। সর্বনাশ !

প্রঃ মিত্র। কী হল ?

ভব। না, হয়নি কিছু, বলছিলাম যে কত রকম ধাপ্লাবাজই আছে শহরে; তাল পেলো হয়। আচ্ছা স্মার কিছু মনে করবেন না,—আপনি যখন তাকে বিয়ে করবেন না, কিছু না, তখন খামোকা এই রেশনের বাজারে তাকে খুঁজে বার কোরে একটা পারমেনেন্ট বাক্সি ঘাড়ে নেওয়া কি উচিত হচ্ছে স্মার ?

প্রঃ মিত্র। না, তাকে আমার দরকার। ভীষণ উৎপীড়ন করে তাকে সরিয়ে দেওয়া হয়েছে। আমি তার জন্ত দায়ী নই, কেন না আমার জ্ঞাতসারে এ সব আমি কখনই ঘটতে দিতাম না। তার কাছে আমি ক্ষমা চাইব।

ভব। সখা ?

প্রঃ মিত্র। হ্যাঁ।

ভব। সুন্দরী ?

প্রঃ মিত্র। হ্যাঁ—

ভব। আর কিছু Speciality ?

প্রঃ মিত্র। হ্যাঁ আছে। সে পূর্ববঙ্গের বৌ হলেও কথা বলে পশ্চিম-বঙ্গের।



ভব । আর বলতে হবেনা স্মার আমি জানি ।

প্রঃ মিত্র । আপনি জানেন মানে ?

ভব । জানি মানে স্মার, আমি একে দেখেছি । স্বামীর নাম চন্দ্রমোহন ।

প্রঃ মিত্র । হ্যাঁ হ্যাঁ Exatly. কী করে জানলেন ?

ভব । হা : হা : আগেই তো বলেছি স্মার সখের হলেও আমি ডিটেক্টিভ ।

প্রঃ মি । বলুন তো সে কোথায় আছে ? আমি তাকে খুঁজছি ভীষণ খুঁজছি । তাকে আমার বড্ড প্রয়োজন ।

ভব । একটা Refugee camp এ আমি মেয়েটিকে দেখেছিলুম ।

প্রঃ মি । কোন Refugee camp এ ?

ভব । সে রাণাঘাটের একটা camp এ । কিন্তু পরে আমি খোঁজ নিয়েছিলাম সে ওখান থেকে চলে গেছে ।

প্রঃ মিত্র । তা হলে ?

ভব । কিছু ভাববেন না স্মার । আপনার ঠিকানা ?

প্রঃ মিত্র । এই আমার কার্ড ।

ভব । ঠিক আছে স্মার ! খোঁজ পেলেই আপনাকে জানাব । তবে ওই হচ্ছে আমার Fee দুশো টাকা চাই ।

প্রঃ মিত্র । বলেছি তো পাবেন ।

ভব । Thank you sir, এই যে ঠিকানা লিখে দিলাম, এখানে কাল সকালে গিয়ে একবার খোঁজ করবেন । রাত্রে যাবেন না বস্তু কি না ।

প্রঃ মি । আচ্ছা ।

## খবর বলছি

ভব। ই্যা আর একটা কথা যদি অন্য মেয়ে দিয়ে কাজ চলে তা হলে  
বলুন! মানে আমার হাতে।

প্রঃ মিত্র। না না কী বলছেন পাগলের মতো? তাকেই চাই। আচ্ছা  
এখন আমি যাই। আপনি খবর পেলেন—

ভব। বলতে হবে না স্মার। নমস্কার।

[ প্রফেসর মিত্র চলে গেল, ভবতোষণও চলে যাচ্ছিল  
গ্যাসপোস্টের গায়ে একটি বিজ্ঞাপন দেখে খমকে  
দাঁড়াল, পরে গ্যাসপোস্টের কাছে গিয়ে প'ড়ে টুকে  
নিতে লাগলো—অন্য দিক দিয়ে প্রবেশ করলে  
চন্দ্রমোহন ও লোকগণ ]

১ম লোক। তারপর কী হলো গো? তারপর?

চন্দ্র। তারপর কী হইছে? আমারে ডাক দিল, সমাজ চক্রোবর্তী  
গো চণ্ডীমণ্ডপে গ্যোলাম। তারা কইলো শোনলাম তুমি না কি  
বিয়া করবা? আমি কইলাম 'হ। কারে করবা? আমি  
কইলাম গোহাটাতে গেছিলাম। হর শঙ্কর মজুমদারের মাইয়া  
দীপারে দেইখ্যা আসছি। তারেই বিয়া করুম।

১ম লোক। গোহাটাতে?

চন্দ্র। হ। গোহাটি গেছলাম সুপারি লইয়া—

২য় লোক। সুপারী? তোমার সুপারির গাছ আছে বুঝি?

চন্দ্র। ছইশ!

১ম। ছইশ সুপারির গাছ বলে কীরে! এতো তা হলে বড় লোক?

২য়। গল্পও হতে পারে, একটু Cracked দেখছিসনে।

১ম। তাই হবে। তারপর, দাদা তারপর।

চন্দ্র। আমার কথা না শুইয়া চক্রবর্তী অগ্নিশর্মা কইলো, তুই না কুলিনের পোলা। বিয়ায় পাইবি খুইবি কত? এটা লক্ষী-ছাড়া আমার ছাই মাইয়ারে বিয়া করচি না। বুরা মানুষের কথা শোন! কইলাম না! সমাজ কইলো আমাগো কথা না শুইয়া যদি কুল ভঙ্গ করচ তয় তোর ধোপা নাপিত বন্ধ করুম। শোনলাম না হেই কথা, দীপারে বিয়া করলাম।

[ চন্দ্রমোহন কী যেন ভাবতে লাগলো, তারপর হঠাৎ বলিলেন ]

চন্দ্র। কিন্তু আমারে ঠকাইয়া লইয়া গেল ক্যান্। কইলেই তো পারতো। বাড়ীর কথা কইয়া—

[ হঠাৎ তার দৃষ্টি পড়লো ভবতোষের উপর দুই চোখের স্তম্ভীক দৃষ্টি তৎক্ষণাৎ সে নিবন্ধ করলো তার উপরে। ভবতোষ বিজ্ঞাপন লেখায় ব্যস্ত ছিল বলে দেখতে পাইনি, চন্দ্রমোহন বাঘের মত লাফ দিয়া গিয়া ভবতোষের গলা চেপে ধরলো ]

চন্দ্র। পা—ইছিরে! হালারে পাইছি।

[ দুই হাতে তার গলা চেপে ধরে প্রচণ্ডতম ঝাঁকুনি দিতে দিতে উদ্গারের মত চন্দ্রমোহন বলিল ]

চন্দ্র। কঃ কঃ হালা দীপারে কই রাখছো! ক—তোরে আজ মাইর্যা ফ্যালামু, ক হালা, ক—হালা—ক দীপা কই ক!

## খবর বলছি

ভব । ওরে বাবারে ! মেরে ফেল্লেরে । দেখছেন মশায় দেখছেন !  
আপনারা ওকে ছাড়িয়ে নিন্, এ পাগল বন্ধ পাগল ওবাবা ওরে  
বাবা !

১ম। আরে কি করছো । ভদ্রলোককে মেরে ফেলবে নাকি ?

চন্দ্র । হ' তোরে খাইয়া ফ্যালামু ! ওইতো নিয়া গেছিল, ওইতো  
বাড়ী দেখাইতে আমারে নিয়ে গিছলো, বড় রাস্তার মোড়ে  
আইশ্রা আমি হালারে আর দেখি না । জিগ্গান হালার নাম  
ভবতোষ কিনা !

২ঘ । হ্যাঁ হ্যাঁ আমি জানি ওর নাম ভবতোষ !

১ম । মার শালাকে ।

২য় । মার, মার ।

চন্দ্র । ক ক হালা কোথা রাখছস্ দীপারে !

ভব । আমি জানি না । সত্যি বলছি আমি জানি না ।

৩য় । আবার ।

চন্দ্র । ক—পাঁচজনের কাছে ক কোথায় দীপা ক !

ভব । দিন পনেরো আগে আমি তাকে যেখানে দেখেছি দেখিয়ে  
চিছি ! চলুন আমি দেখিয়ে দিছি !

১ম । বেশ তো সবাই চলুন না ! দেখাই যাক্ সত্যি বলছে কি মিথ্যে  
বলছে.....

[ সবাই অগ্রসর হল ! চন্দ্রমোহন ভবতোষের জামার  
কলার চেপে ধরে নিয়ে চললো ]

## দ্বিতীয় দৃশ্য

তিনমাস পরে—

[ একখানি ঘর—একটি ছোট উঠান, উঠানে তুলসী-মঞ্চের ঘর ও দাওরা—দাওরা থেকে সিঁড়ি দিয়ে উঠানে নামা যায়। মঞ্চের বাঁ দিকে ছোট টিনের চালা—ডান দিকে পাঁচিলের গারে ছোট দরজা। দরজাটি ভেজানো আছে সন্ধ্যার অন্ধকার ঘন হয়ে উঠেছে। দু' একটি ক'রে জোনাকী চালে ঝুঁকে পড়া গাছে ঝলছে। প্রায়োদ্ধকার উঠানের স্তম্ভ পরিবেশ। ঘর থেকে একটি তৈল-প্রদীপ হাতে সিঁড়ি দিয়ে নেমে এল দীপা। প্রদীপটি তুলসী তলায় রেখে গড় হয়ে প্রণাম করলো। উঠে দাঁড়িয়ে হাত জোড় ক'রে কি যেন প্রার্থনা করলো। তারপর উঠে ঘরের মধ্যে চলে গেল। ঘরের মধ্যে থেকে তিনবার শাঁখের আওয়াজ শোনা গেল। একটু পরে আকাশে বোধ হয় চাঁদ উঠলো। চালের মাথার 'পর পড়ল চাঁদের আলো। পড়ে সে আলো নেমে এল উঠানের এখানে ওখানে। বেশ বোঝা যায়—এটা কলকাতার উপকণ্ঠস্থিত কোন একটি জায়গা সহরতলী—মুরলী ডাক্তার প্রবেশ করলেন, খদ্দেরের জামা গায়ে। প্রোঁড় ভঙ্গলোক।

মুরলী। মা! কইগো? মা!

[ দীপা ঘর থেকে বেরিয়ে এল। একখানি আসন তার হাতে। সে আসন পেতে দিয়ে বলল। ]

দীপা। বসুন বাবা।

মুরলী। দেহটা আজ কেমন আছে মা?

## খবর বলছি

দীপা । দেহের কথা বাদ দিন বাবা শেষ হবে বলেইতো শুরু হয়েছে ।

মুরলী । ঠিক কথা মা । শেষ হবে বলেই দেহের শুরু । সত্যি ; এক সময় চারদিককার ব্যাপার স্রাপার দেখে আমার কি মনে হয় জানো মা ? আমার মনে হয় মানুষের মরাটাই বুঝি সত্য বাঁচাটাই মিথ্যে । অবশি মরার পরে কোন আনন্দলোক কোথাও অপেক্ষা করে থাকে কিনা জানিনে । কিন্তু এই দুঃখ কষ্টের ত অবসান হয় ।

দীপা । কেন ? আজ কারো দুঃখ কষ্টের অবসান ঘটেছে নাকি বাবা ?

মুরলী । হ্যাঁ আজ ও বেলা ৯টার সময় দুজনে গেছে একজন তো বিকারের ঘোরে ক্রমাগত বকছিল মনা বুড়ির মাঠে আমার টাকা আছে লইয়া আয় । উপাস দিয়া মরস্ ক্যান ? বুড়ির মাঠে টাকা আছে আইগ্যাল—এত কষ্ট হয় ।

দীপা । মনা কাছে ছিল তো ?

মুরলী । না মা । মনা পূর্ববঙ্গেই মুক্তি পেয়েছে ।

[ দীপা যেন শিউরে উঠল, যেন একটা অতীত স্মৃতির ভারে তার সর্বশরীর কেঁপে উঠলো ]

দীপা । উঃ এমন কত লোকের মাই যে চলে গেছে তার আর হিসাব নেই । সে দৃশ্য আপনি দেখেননি বাবা । রাতারাতি মানুষগুলো যেন কেঁপে উঠল । একশো দেড়শো বছরের উপর যাদের বাপ ঠাকুর্দা দেখা হওয়া মাত্র সেলাম করে এসেছে, তারা যেন সব এক সঙ্গে বিদ্রোহী হয়ে উঠল । উঃ রাজের অন্ধকারে গ্রাম ভরে

শুধু আর্তনাদ শুধু চীৎকার শুধু মেয়েদের কান্না । দুর্ঘ্যোগের রাত্রি ভোর হল যখন—তখন দেখা গেল কিছু লোক ওই অন্ধকারের মধ্যেই স্ত্রী পুত্রের হাত ধরে গ্রাম ছেড়ে চলে গেছে । আর কিছু মেয়ে চুরী গেছে, গোটা গ্রাম থেকে অস্তুতঃ দশটা মেয়ের কমনয় ।  
মুরলী । উ : ।

দীপা । কিন্তু কেন এমন হল বাবা ? এতকাল মিলে মিশে বেসতো ছিল । এ ওর সত্যনারায়নের দিত পূজা ও এর পীরের দিত সিন্নি । একই সঙ্গে একই গ্রামে একই জলে একই হাওয়ায় বেসতো ছিল এরা । কে এদের আলাদা হবার মন্ত্র দিল কানে ?

মুরলী । মন্ত্র দিল মানুষের ভাগ্য বিধাতা । এত শাস্তি এত সুখ তার সহিছিল না । তাই তিনি আনলেন বিস্মৃঙ্খলা, আনলেন রক্তপাত আনলেন বিভেদ । দেবতার মন্ত্র মানুষ কান পেতে শোনে না মা কিন্তু মন দিয়ে শোনে দানবের মন্ত্রণা । এ হচ্ছে তারই পরিণাম ।

দীপা । কিন্তু খুন করবার আগে, এরা একবার ভেবে দেখলো না সে খুন করছে কাকে ?

মুরলী । মানুষকে ত মানুষ খুন করেনি মা যে তার মধ্যে বিচার আসবে ? এ খুন করেছে একটা শব্দ আর একটা শব্দকে, এই বিরোধ মানুষ মানুষকে ঘৃণা করতে শিখিয়েছে মা যতই ভাল কথা বলা আর যতই জোড়া তালি দাও । এ দাগ সহজে মুছবে না ।

[ ছুজনেই নীরব ]

দীপা । শহীদ ক্যাম্পে কতজন আশ্রয় নিয়েছে বাবা ?

মুরলী । তা প্রায় চারশো পরিবার । তোমাকে তো এত বলুম মা যে

## খবর বলছি

তুমি চলো একথানা ঘরের ব্যবস্থা করে দিই তা সে বাপের বেটা তো তুমি নও।

দীপা। না বাবা। এ আমি বেশ ভাল আছি। বাসা বেধে স্বামীর প্রতিক্ষা করছি যদি কোন দিন তিনি আসেন—তাহলেই সব সার্থক—না হলে এ ভাবেই মরবো।

মুরলী। বাঙালীর মেয়ের এ তপস্যা নূতন নয় মা। আরও বহু মেয়ে এর আগে এই করেছে...আর খোঁজা খুঁজিও তো কম হল না সম্ভব অসম্ভব সমস্ত জায়গাইতো খুজলাম।

দীপা। হয়ত প্রদীপের নীচেই আছেন যাক ও সব কথা। আজ কটা রোগী দেখলেন?

মুরলী। আমি আবার ডাক্তার, তার আবার রোগী। হোমিওপ্যাথিক ডাক্তারী কি আবার ডাক্তারী মা? সে কালের জল পড়ার একালী সংস্কারণ, না লাগে তুক না লাগে তাক।

দীপা। সারে তো?

মুরলী। নিন্দকেরা বলে মনের। অর্থাৎ এমনিতেই মারতো ওষুধটা উপলক্ষ্য হ'ল। যাকগে আমি উঠি মা। নিজের শরীরটাও আজ বিশেষ ভাল নেই—তোমার খবরটা নিতে এসেছিলাম, তোমার ভাইটা কেমন আছে।

দীপা। অল্পদা? খুব ভাল নয়। কালকে রাত্রে গৌ গৌ আওয়াজ শুনে, বাইরে বেরিয়ে এসে দেখি যন্ত্রণায় কাতরাচ্ছে।

মুরলী। ওকি বাইরে শুয়ে থাকে নাকি?

দীপা। নইলে কোথায় শোবে। ভাই বোনের এক ঘরে শোওয়া—



## ধবল বলাই

মুরলী । না, সে হয় না ।.....ছোকরা লিভারটাকে একেবারে নষ্ট করে ফেলেছে ।

দীপা । কিন্তু এখন আর খায় না ।

মুরলী । মদ বস্তুটা কেমন জান মা ? চন্দ্রবোড়া সাপের বিষ— তৎক্ষণাৎ কিছু হবে না ; ক্রমে ক্রমে হবে ধীরে ধীরে হবে । একটু একটু করে হবে । তবে নিশ্চিত পরিণাম সকলের যা হয় এরও তাই । আচ্ছা উঠি মা, যদি পারি কালকে আসবো ।

[ মুরলী চলে গেল, দীপা উঠে ঘরের মধ্যে যাবার জন্য পা বাড়াতেই অনুপম ঢুকলো । চেহারা কালো হয়ে গেছে, কাপড়-জামা ময়লা, চলায় ক্লান্তি । সে এসে ধপ করে দাওয়ার বঁসে পড়লো । দীপা চেয়ে দেখলো, ফিরে এসে বসলো অনুপমের পাশে । নীরবে চেয়ে রইল তার মুখের দিকে ]

দীপা । কী হল ?

অনু । যা চিরকাল হয়ে আসছে তাই হয়েছে ।

দীপা । রেশন শপে কিউ দিয়ে দাড়িয়ে লোক রেশন নিচ্ছে, নিমতলা, কাশীমিস্তির ক্যাণ্ডাতলা শ্মশানঘাটে শবানুগমন করছে । দশটা পাচটা আপিস করছে । স্ত্রীকে মেরেছে ও মার খেয়েছে চুরি করছে ডাকাতি করছে । ব্রাকমার্কেট ক'রছে আর গভর্নমেন্টকে গালাগালি দিচ্ছে অতএব নতুন কিছুই হয়নি ।

[ দীপা হেসে উঠলো ]

## ধবর বলছি

দীপা । তুমি হাসছতো দীপু ? বাইরে বেরিয়ে দেখ মানুষ দুটো ভাত  
খাবার জন্ত কী কাণ্ডটা করছে ।

দীপা । কী করছে ?

অনু । থিয়েটার করছে বায়স্কোপ করছে । বাঘ ভল্লুক ছাগল বাঁদর  
নাচ দেখাচ্ছে । আরার কেউ চিন্তামনি দাঁতের মাজন করছে  
একদল মানুষ এই সব করছে আর একদল দাত বার করে দেখাচ্ছে  
আর পয়সা দিচ্ছে—

দীপা । বেশ করছে পয়সা চাইতো ?

অনু । পয়সা চাই, দীপু পয়সা চাই, কিন্তু হায়রে পয়সা । জীব জন্তুর  
সাথে এক হয়ে গেল মানুষ । মানুষের নিজস্ব কোন পরিচয়  
রইলনা কী দুঃখের কথা ! কী দুঃখের কথা !

দীপা । কিছুই দুঃখের কথা নয় । বাঁচতে হলে মানুষকে খেতে হবে,  
আর খেতে হলে তাকে পয়সা আন্তে হবে যেমন করে হোক ।  
তুমি বাড়ী গিয়েছিলে ?

অনু । হ্যাঁ ।

দীপা । কী হ'ল তাঁদের মন গল্‌লো ?

অনু । না না ঠাণ্ডা অভিজাত সম্প্রদায়ের মধ্যমনি এত সহজে মন  
গললে ওদের জাত যাবে যে । কিছু বাণী দিয়ে ছেড়ে দিলেন ।  
( চুপচাপ ) আমি কুলাঙ্গার । আমার জন্ত ওদের মান সম্মান  
সমাজ সব নষ্ট হয়েছে—অতএব আমি যেমন বাড়ীর বাইরে আছি  
তেমনি দয়া করে যেন বাইরেই থাকি । বংশের পরিচয় দিয়ে  
যেন তাদের ছোট না করি ( চুপ ) অবশ্য ছোট আমি তাঁদের

করবোনা কেননা তোমার সঙ্গে মিশে তারাই আমার কাছে ছোট হয়ে গেছেন।

দীপা। তোমার কথা দিয়েই তোমাকে আজ সাহসনা দিচ্ছি অনুদা গুলী মারো।

অনু। আমায় একটা মাদুর আর একটা বালিশ দিয়ে যাও, দীপু। আমি শুয়ে পড়ি।

দীপু। সে কি। খাবেনা?

অনু। না। এক বন্ধুর পাল্লায় পড়ে কতগুলো যাতা গিলে এসেছি।

দীপা। তাই,—না মনে করছো কিছু জোগাড় করতে পারিনি অতএব না খাওয়াই ভাল।

অনু। না না। জোগাড় করবার দায়িত্ব যখন তুমি নিজের ঘাড়ে নিয়েছে, তখন ও সম্বন্ধে আমার কোন ভাবনাই নেই। সত্যি আমি খেয়ে এসেছি।

দীপা। ভাল এই সব যাতা ছাই-ভস্ম বাইরে থেকে খেয়ে আসবে আর সারা রাত্তির ব্যথায় ছটফট করবে সেই তোমার ভাল।

[ অনুপম কোন জবাব দিল না। চুপ করে বসে রইল, প্রায় সঙ্গে সঙ্গেই দীপা একটা মাদুর ও একটা বালিশ হাতে করে বেরিয়ে এল, দাওয়ার পেতে দিয়ে বললো ]

দীপা। নাও শুয়ে পড়ো। আজ হক কাল হক তুমি যে মরবে তা আমি জানি কিন্তু মনে করেছিলাম আমার সামনে যেন সেটা না হয়।

## ধবর বলছি

অনু । ( হেসে ) আমি মরলে তোমার কষ্ট হবে দীপু ?

দীপা । না না কষ্ট কেন হবে । তুমি মরলে আমার আনন্দ হবে । শত্রু নিপাত হলে কারনা স্মৃতি হয় ।

অনু । আমি তোমার শত্রু ? আচ্ছা আমি কি তোমার কোন ক্ষতি করেছি ?

দীপা । ক্ষতি করোনি ? ভীষণ ক্ষতি করেছ ? তোমাব দিদি যখন  
[ অনুপম হেসে উঠল ]

আমাকে তোমার হাতে তুলে দিলেন—সেই রাতে আমাকে ধ্বংস করবাব জন্ম, তা না করে তুমি আমার ক্ষতি করেছ আমাকে রক্ষা করবার জন্ম তুমি তোমার আত্মীয়-স্বজন বন্ধু-বান্ধব ত্যাগ কবে আমার ক্ষতি করেছ । আমার জন্ম চাকরী করতে গিয়ে নিজের স্বাস্থ্যটি ভেঙ্গে আমার ক্ষতি করেছো এখন মরে গিয়ে আমাব শেষ ক্ষতি করতে চাইছ ।

[ অনুপম হেসে উঠল ]

অনু । ভয় নেই দীপু । এত শীর্ণ-গীব আমি মরবো না । বরং এমনও হতে পাবে যে আমার আগে তুমিই টক্ করে মরে গেলে ।

দীপা । পাগল । তাকি হয় ? তাহলে উপকার হবে যে । তোমার আর কি লাগবে বলতো, আমি এবার শুয়ে পড়বো ।

অনু । খাবেনা ?

দীপা । তোমার জন্ম বসে আছি কিনা আমি ? সন্ধ্যা হবার আগেই খেয়ে নিয়েছি ।

অনু । এটা মিথ্যা কথা ।

দীপা । হ্যাঁ মিথ্যে, হাত গুন্তে জান কিনা ?

অনু । একটা ঘটি রেখে যাও ।

[ দীপা এক ঘটি জল নিয়ে এসে অনুপমের মাথার কাছে রেখে আবার চলে বাচ্ছিল—  
অনু ডাকল ]

অনু । দীপু । ( দীপা চাইল ) আচ্ছা তুমি বলো যে এক জায়গায় কোন এক বড় লোকের বাড়ীতে তুমি রান্না করবার চাকরী করো ।

দীপা । হ্যাঁ করিই তো । তার কী ?

অনু । না আমি ভাবছিলাম যে সকাল ৬টায় যাও বেলা ১০টায় ফিরে আসো, আবার ৪টায় যাও সন্ধ্যার আগেই ফিরে আসো এর মধ্যে রান্নাই বা কর কখন, আর তারা খায়ই বা কখন ।

দীপা । আমি তো রেঁধে দিয়েই চলে আসি । কে খেলে বা না খেলে সে খবর আমার রাখবার নয় । আমি বাড়ী ফিরে এসে রান্না করি—নিজে খাই ভাইকে খাওয়াই । ব্যস ফুরিয়ে গেল ।

অনু । হয়তো তাই । তবু কী জানি কেন আমার মন বলছে এটা মিথ্যে কথা আমার কাছে লুকিয়ে যাচ্ছে । তোমার রান্না করার চাকরী আর নেই । এখন তুমি যা বলছ তা বানিয়ে বলছো ।

Myke । সর্বনাশ । কী করে জানলে অনুদা । সত্যিই তো চাকরী আর নেই । সে বাড়ীর ছোট বাবু যাতা প্রস্তাব করেছিল বলে

## খবর বলছি

ছেড়ে দিতে হয়েছে কি করে জানলে ? কি করে জানলে অহুদা ?

আরো জানে নাকি ? সবটাও জানে নাকি ?

অহু । কী দীপু ! চূপ করে আছ বে !

দীপা । চূপ করে থাকবো না তো চেষ্টা ? সারা রাত্রি তুমি আবোল  
তাবোল বকবে আর আমি বসে তার জবাব দেবো । তোমার  
আর কিছু লাগবেনা তো ? আমি শুতে যাচ্ছি ।

[ ঘরে ঢুকে একখানি আলোয়ান এনে দিল ]

এই নাও তোমার ব্যাফার । একেই তো বাইরে শোওয়া  
তার উপর যদি জ্বর বাধাও তা হলে আর বাঁচবো না !

[ উঠে গিয়ে ঘরে ঢুকে সশব্দে দরজা বন্ধ করে  
দিল উঠানে জ্যোৎস্নার কিন্ন ছুটছে । দূরে একটা  
কোকিল ডাকছে ]

( গীত )

Myke । আমরা দু'জনা স্বর্গ যেলনা

গড়িবনা ধরনীতে—

মুখ ললিত অশ্রু গলিত গীতে ।

Male voice । ভাগ্যের প্রাণে দুর্বল প্রাণে

ভিক্ষা যেন না যাক্কা

কিছু নাই ভয়—জানি নিশ্চয়

তুমি আছ আমি আছি ।

Female voice । রক্ত দিনের দুঃখ পাইতো পাব

চাইনা শাস্তি শাস্তনা নাহি চাবো ।

**Male voice ।** পাড়ি দিতে নদী হাল ভাঙ্গে যদি  
ছিন্ন পালের কাছে  
মৃত্যুর মুখে দাঁড়িয়ে জানিব  
তুমি আছ আমি আছি ।

**Double voice ।** ছুজনার চোখে দেখেছি জগৎ  
দৌহারে দেখেছি দৌহে—  
মরণ পথ তাপ ছুজনে নিয়েছি সহে ।

**Female voice ।** ছুটিলি মোহন মরিচিকা পিছে পিছে  
ভুলাইলি মন সত্যেরে করিলি মিছে ।

**Male voice ।** এই গৌরবে চলিবে এ ভাবে  
ষতদিন দৌহে বাঁচি  
মৃত্যুর মুখে দাঁড়িয়ে জানিব  
তুমি আছ আমি আছি ।

[ মাইকের আবৃত্তি সঙ্গে সঙ্গে তাঁদের আলো  
ধীরে ধীরে অন্তর্হিত হইতে লাগিল । মঞ্চ  
একেবারে অন্ধকার হইয়া দশ সেকেণ্ড স্থায়ী  
হইল ভোরের আলো ফুটিতে আরম্ভ করিল ।  
ক্রমে চারিদিক বেশ পরিষ্কার হইয়া উঠিল ।  
বাড়ীর বাহিরে প্রভাত ফেরীর গান শোনা  
গেল । ]

জয় গোবিন্দ গৌরচন্দ্র গোপাল গোবর্দ্ধন  
জয় নারায়ণ লক্ষ্মীকান্ত মাধব মধুসূদন

## ধবল বসু

[ দরজা খুলিয়া বাহির হইল দীপা । একখানি লাকপাড় শাড়ী তার পরনে । সে দরজা হইতে মুখ বাড়াইয়া দেখিল অনুপম ঘুমাইয়া আছে কি না । তাহাকে নিদ্রিত দেখিয়া সে চট করিয়া বাড়ী হইতে বাহির হইয়া গেল । ঠিক পরমুহূর্তেই বাহির হইতে প্রফেসর মিত্রের চীৎকার ভাসিয়া আসিল । ]

নেপথ্যে মিত্র । দীপা ! দীপা ! শোন অমন করে মুখ ঢেকে চলে  
যেওনা । আমি তেমাকে চিন্তে পেরেছি । শোন দীপা ।

[ ধড়মড় করে অনুপম বিছানায় উঠে বসলো ।  
তারপর বিমূঢ়ের মত চেয়ে রইল পথের  
দরজার দিকে ]

নেপথ্যে । কোন্ বাড়ী তোমার ? এই বাড়ী ? চলো ভেতরে চলো !

[ অনু উঠে ঘরের মধ্যে গেল ]

[ আগে আগে ঢুকলো প্রফেসর মিত্র,  
পিছনে দীপা ]

মিত্র । এই তোমার বাড়ী ?

দীপা । হ্যাঁ ।

মিত্র । কতদিন এসেছ এই বাড়ীতে ?

দীপা । মাস পাঁচেক ।

মিত্র । কে আছে তোমার সাথে ! একা ?

দীপা । না ।



মিত্র । তবে ? ( দীপা চূপ ) চন্দ্র বাবু ফিরে এসেছেন ?

দীপা । না ।

মিত্র । তা হলে কে ? কে থাকে তোমার সঙ্গে এ বাড়ীতে ? কে তোমার দেখাশুনা করছে ? একি ! উত্তর দিতে তুমি লজ্জা বোধ করছো দীপা ! তাহলে কি আজ আমি এই কথাই বুঝব যে আমি তোমাকে চিন্তে পারিনি ? তোমার সম্বন্ধে যা ভেবেছি তাও মিথ্যে আর—

দীপা । না না আমার সঙ্গে যিনি থাকেন । তিনি তার জীবন উৎসর্গ করেছেন আমার সুখের জন্য । আমার স্নান চাকরী করতে গিয়ে তিনি আজ রোগগ্রস্ত—তিনি দেবতা—তিনি আমার ভাই ।

মিত্র । তোমার ভাই ? I am sorry তোমার ভাই কি পশ্চিমবঙ্গেই থাকতেন ?

দীপা । হ্যাঁ তিনি পশ্চিমবঙ্গেরই মানুষ । দেখবেন আমার ভাইকে ?

[ উঠে ঘরের মধ্যে গিয়ে অনুকে নিয়ে এল ]

এই দেখুন আমার ভাইকে, আমার বড় গর্বের বড় সান্ত্বনার লোকের কাছে মাথা উচু করে দেখাবার মত ভাই । চিন্তে পারেন একে ?

মিত্র । আমি কি স্বপ্ন দেখছি ? অনু তোমার ভাই ? তবে যে—আশ্চর্য্য তোমার সম্বন্ধে এ্যাঙ্গিন একটা ভুল ধারণা আমার ছিল । যাক্গে তোমার চেহারা এমন হয়েছে কেন ?

অনু । এমনি !

দীপা । কেন মিথ্যে কথা বলছ অনুদা ! উনি হয়ত এখনি ভাববেন

## খবর বলছি

আমি তোমায় খেতে দেই না। না না, অল্পদার থেকে থেকে  
লিভারে একটা ব্যথা উঠে।

মিত্র। উঠবেনা লিভারে ব্যথা। অত মদ যাবে কোথায়? **Every  
Action has got its reaction** শোধ নেবেনা প্রকৃতি? তুই  
যে কি করে এ্যাদিন বেঁচে আছিস্ তাই ভেবে আমি অবাক হই।  
যাক্ সে কথা যা হবার তা তো হয়েছে পরোপকার যথেষ্টই করেছে।  
এবার দয়া করে বাড়ী চলে! আমি এই কথাটাই বুঝে উঠতে  
পারছি না, অল্প তোর দিদি যখন দীপুকে সিনেমায় নিয়ে যাবার  
কথা বললে আমাকে তখন তুই কথাটা কেন একবার বললি নে।  
তা হলে এই দুর্ঘটনা তো কখনো ঘটতো না। ইচ্ছে করে তোরা  
এই দুঃখটা পেলি।

দীপা। বসুন!

[ আসন পেতে দিয়ে ]

মিত্র। ( বসে ) অনর্থক দেবী করে কোন লাভ নেই। আজ চার  
মাস আমি পাগলের মত তোমাদের খুজছি, বলতে পারো  
তোমাকে ফিরিয়ে নেবাব কেন এত আগ্রহ। তার কারন  
বাংলাদেশের এই **Disater** এ আমি মনে করি আমার খানিকটা  
অংশ আছে। কেন না লীগ গভর্নমেন্টের অত্যাচারে যখন  
বিশেষ করে কোলকাতার আত্মা মুমূর্ষ হয়ে পড়েছিল সত্য  
হোক, মিথ্যে হোক ১০০নং হারিসন রোডের ঘটনা প্রত্যেকটি  
মাগের মনে কুরু সভায় দ্রৌপদীর কথা মনে করিয়ে দিচ্ছিল। সে

## খবর বলছি

সময় আমিও বলেছিলাম যে ওরা আলাদা হয়ে যাক। এই মত দেওয়ার সঙ্গে সঙ্গেই পূর্ববন্ধের প্রতি আমাদের একটা দায়িত্ব আপনা থেকেই এসে পড়েছিল। তাই তোমাকে আমি ষ্টেশন থেকে বাড়ী এনেছিলাম। তাই তোমাকে আজও এখান থেকে বাড়ী নিয়ে যেতে আমি চাই।

দীপা। নমামীর কতগুলো গয়না আমার কাছে আছে আপনি নিয়ে যান আজ আপনি না এলে হয়তো আমি ওগুলো দিয়ে অন্নদাকেই পাঠাতুম।

অন্নু। নমুর গয়না? সেকি!

মিত্র। তোমার কাছে এল কি করে? ই্যা সে কাল বাড়ীতে ফিরেছে বটে!

দীপা। কালকেই পথে আমার সঙ্গে তার দেখা হয়েছিল, তখন মতিচাঁদ বাবু তার সঙ্গে ছিলেন। বেশ খানিকটা কথা কাটাকাটির পর গয়নাগুলো সে আমার কাছে রেখে যায়।

মিত্র। ও! বেশতো! তুমিই সেগুলো নিয়ে চল!

দীপা। আমাকে ক্ষমা করবেন। আমি এখানে থেকেই আমার স্বামীর প্রতীক্ষা করবো।

মিত্র। (অন্নুকে) ও! তুমি কি বলো? তোমারো এই মত?

অন্নু। দীপুর কথার ওপর আমি কোনদিন কথা কইনি জামাইবাবু! আপনাদের কথারও কোনদিন উত্তর করিনি। কিন্তু আপনি যে দীপুকে নিয়ে যেতে চাইছেন দিদি জানে?

## ধবল বলছি

মিত্র । তার ইচ্ছেতেই আমি দীপাকে খুঁজছি । নম্বর চলে যাওয়ার পর থেকেই তিনি বিছানা নিয়েছেন আজ বোধ করি তিনি মৃত্যুশয্যায় ।

দীপা । অনু মৃত্যুশয্যায় !

মিত্র । হ্যাঁ । তার ধারণা, দীপার নিশ্বাস পড়ছে বলেই ভগবান তার একমাত্র মেয়ের হাত দিয়ে তাকে এতবড় শান্তি দিয়েছেন । গতকালও তিনি আমাকে জিজ্ঞেস করেছেন পাওনি দীপাকে ? কাল এক ভদ্রলোক আমাকে একটা বস্তির ঠিকানা দিয়েছিলেন আজ ভোরে উঠেই আমি সেইখানেই যাচ্ছিলাম । পথে দেখা ।  
( সবাই চুপ )

Myke । পরাজয় ! পরাজয় ! পরাজয় ! ওবা আজ ওদের দরিদ্র ভরা জীবন যাত্রায় আনন্দের সন্ধান পেয়েছে, তাই তোমাকে আজ ওবা ফিরিয়ে দিচ্ছে বলেন মিত্র !

মিত্র । ফিরিয়ে দিচ্ছে আমাকে । যাবেনা তোমরা ? ( চুপ ) বেশ তাহলে আমি তোমাদের সময় নষ্ট করবো না, আমি যাই । আর কিছু না হোক, অরুকে অস্তুত এ কথা বলতে পারবো, যে তোমরা ভাল আছো । ( উঠিল )

[ এক মুহূর্ত অনু চাহিল দীপার দিকে, দীপা চাহিল অনুর দিকে, মিঃ মিত্র তখন উঠান দিয়া দরজার যিকে খাচ্ছেন, দীপা চীৎকার করে উঠল ]

দীপা । দাড়ান ! না আমি এ পারবো না অনুদা—আমার কাছে ভিক্ষে চেয়ে ওই মহাদেব খালি হাতে ফিরে যাবেন—এ আমি

খবর বলছি

হতে দিতে পারবো না—আমি যাব। দাঁডান আমি যাব।  
নম্বর গয়নাগুলো নিয়ে আসি।

[ ভিতরে গেল ]

মিত্র। তুইও চল অহু।

অহু। আপনি দীপুকে নিয়ে যান জামাইবাবু,—আমি ঘরদোরগুলো  
বন্ধ করে পরে যাচ্ছি।

মিত্র। যাবি তো? আমার ওপর তোর কোন অভিমান নেই  
বল্।

অহু। না—না—

[ যেই মুহূর্তে দীপা ব্যাগটা হাতে করে দরজা  
দিয়ে বেরিয়ে বললো ]

দীপা। চলুন।

[ তৎক্ষণাৎ বাইরে চন্দ্রমোহনের গলা শোনা গেল ]

চন্দ্র। আরে আপনি কন কি মশায়! জ্বাশে তুই বিঘা জমির ওপর  
যার বাস্তু বাড়ী সে নাকি থাকতে গারে এই মুরগীর খাঁচার!  
মিছে কথা কইতেছেন না তো?

( নেপথ্যে ) মুরলী। না, না দীপু মা এই বাড়ীতে থাকে।

অমুদা! অমুদা! বেরিয়ে জ্বাখো ও কার গলা? কে কথা  
কইছে? একবার বেরিয়ে দেখ ভাই কে কথা কইছে?

## খবর বলছি

[ অনু তৎক্ষণাৎ পাওয়া থেকে নেমে বাইরের দিকে ছুটলো। মিত্র ও উঠানে নেমে পড়ে দরজার দিকে এগোলেন ]

( নে ) চন্দ্র। দীপন।

দীপা। এই যে আমি।

( নে ) চন্দ্র। দীপন!

দীপা। এই যে আমি—ই—ই।

[ অনেকে ঠেলে ফেলে চন্দ্রমোহন বাড়ীর মধ্যে ঢুকল। দীপা দৌড়ে নামতে গিয়ে সিঁড়ি দিয়ে গড়িয়ে মাটিতে পড়ে গেল। উঠবার চেষ্টা করতে গিয়ে পারলে না—তার মুখ দিয়ে ঝলকে ঝলকে রক্ত বের হতে লাগল। চন্দ্রমোহন দৌড়ে এসে দীপার কাছে বসল ]

চন্দ্র। দীপন। কেমন আছ? কী হইছে? আমি সারারাত্র খুঁজছি তোমারে। ( মাথাটা কোলে তুলে নিল ) দীপন।

মিত্র। কাছাকাছি একটা ডাক্তার পাওয়া যায় না?

মুরলী। আমি নিয়ে আসছি ডাক্তার।

[ দৌড়ে বেরিয়ে গেল ]

চন্দ্র। দীপন! হকলে আমারে কয়—দীপন বাইচ্যা নাই! আমি কই—হেরা 'হেতেকই পারে না। আমার দীপন মরতেই পারে না।

## খবর বলছি

[ দীপা তাহার অনাহার শীর্ণ হাতখানা চন্দ্রমোহনের  
মুখে বুলাইতেছে ]

কী কও ? দাগ কিসের ? আরে ! আমারে পাগল মনে কইর্যা  
হকলে মারছে না। আমারে মারছে—তারই দাগ আমাকে  
মারছে।

[ দীপার দু'খানি হাত নিজের গলায় জড়িয়ে নিয়ে ]

চন্দ্র। দীপন ! তুমি একটু সুস্থ্য হইয়া উঠলেই আমরা ছাশে চলিয়া  
যামু। এইখানে আমরা থাকুম না। হেই বডলোকের মহর।  
বড় বাড়ী, বড় কথা, বড় মানুষী, আমা লাঘনে ছোট মানুষ  
এইখানে থাকতে পারে না। কেঁদে আইজ কয়মাস আমার প্যোটে  
ভাত নাই, চক্ষে ঘুম নাই খালি দীপন-দীপন করছি। আর পথে  
পথে ঘুরছি।

দীপা। আমিও তাই করেছি, আমিও তোমার জন্তু আলো জ্বলে বসে  
থেকেছি গো ! কত ঝড়, কত দুর্ঘ্যোগ গেছে মাথার উপরদিয়ে  
তোমার নাম ক'রে সব পার হয়ে গেছে। ঐ যে আমার ভাই অনু  
ঐ যে আমার আশ্রয় দাতা বরেন বাবু এঁরা মানুষ নন এঁরা  
দেবতা। ওঁরা না থাকলে হয়ত ধুলোর সঙ্গে মিশে যেতাম।  
আমাকে আশীর্বাদ কর, আমাকে তোমার পায়েরধূলা দাও আমি  
তোমাকে ফিরে পেয়েছি। আজ তার চাইতে আমার—

[ ঝলকে ঝলকে আবার রক্ত উঠতে লাগল ]

চন্দ্র। দীপন ! একি ! একি !

মিত্র। দীপা।

ধবর বলছি

মহা! দীপু!

চন্দ্র। দীপন! দীপন! দীপন! দীপন! দীপন! জ্যাথেন, কথা কয়না  
কেন্? দীপা! আর তুমি কথা কওনা ক্যান দীপন!

[ মুরলী ও ডাক্তার প্রবেশ করল ]

মুরলী। ডাক্তার এনেছি দীপু মা! ডাক্তার কই, সরুন ত দেখি।  
( দেখে উঠে ) It's a simple case of heart failure poor  
soul.

[ ধীরে চন্দ্রমোহন বিছানা থেকে দীপার মাথা নামিয়ে দিল উঠে দাঁড়াল  
চন্দ্রমোহন—চাইল মিত্রের দিকে, তিনি মাথা নীচু করলেন, চাইলেন অনুর  
দিকে—সেও মাথা নীচু করল—চাইল চন্দ্রমোহন, মুরলী ও ডাক্তারের  
দিকে; তাঁরাও মাথা নীচু করলেন, চন্দ্রমোহন ফিরে গিয়ে,  
দ্বীর কাছে বসল, তারপর নিজের মাথা দ্বীর মুখের কাছে  
রেখে ডান হাত দিয়ে তার মাথার চুলগুলোতে হাত  
বুলাতে লাগলেন ]

ধীরে ধীরে নাটকের সর্বশেষ  
যবনিকা নেমে এল।

B1733













